





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.122





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.122




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.122



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.122

1. 6. 122



MARIII BETTINI

BONONIENSIS

E

SOCIETATE IESV

RVBENVVS

Hilarotragoedia Satyropastoralis



SERENISSIMO

RANVTIO FARNESIO

PARMAE, PLACENTIAE, &c.

DVCI D. D.

Cum notis.



PARMAE, Apud Antæum Viothum. 1614.

Superiorum permissu

1009

Acta an-
te primam
impressionem.

Romæ in Seminario Pontificio publice, priuatim, tota, partim, sæpius ann. 1612. & 1613.
Placentiæ in Regia ann. 1611.
Foro Liuij in Prætorio eodem anno.
Brixiæ in veteri Prætorio Italice 1607.

Ego Carolus Sangrius Societatis Iesu in Prouincia Veneta Præpositus Prouincialis, potestate ad hoc mihi facta ab admodum Reuer. Patre Claudio Aquaiua Præposito nostro Generali facultatem concedo, vt opus quod *Rubenus. Hilarotragædia Satyropastoralis* inscribitur, à Patre Mario Bettino Societatis nostræ Sacerdote compositum, & Patrum eiusdem Societatis ad id deputatorum iudicio probatum typis mandetur. In quorum fidem has litteras manu nostra subscriptas, ac sigillo nostro munitas dedim.

Bononiæ 10. Martij 1614.

Carolus Sangrius Prouincialis.

Locus Sigilli.

SE-



SERENISSIMO
RANV TIO
FARNESIO
PARMÆ PLACENTIÆ, &c.
DVCI FELICITATEM.



*Ibi, magne heros, mea flumina pronus,
Imperijs nostrasq; tuis submittimus
oras.*

Genij Iordanis in Prologo ad te, Sereniss. Princeps, verba sunt. Quibus, quasi velo quodam scenico, textit Poeta tibi dicati operis imaginem. Tibi, inquam, ex ea familia, cuius beneficio sui nascentis incunabula, & primæ lucis haustum accepta fert Poetæ Societas. Tibi, qui eam munifico proavum tuorum exemplo quotidie

A

2

cre- 88

crescentem alis, ac roboras. Tibi, quem Poeta
musarum suarum Meccenatem, & augustissi-
mum veneratur Augustum. Pàtere has sylvas
Farnesianis florere lilijs, triumphalibus tuæ
gentis virere lauris. Earum umbraculo suos
labores tutari, ac solari liceat Poetæ. Qui tuis
debitam virtutibus hanc à suo Iordane Palmu-
lam offert. *Tu —, Sereniss. Princeps, vt, qui*
— cape dona lubens, nec dedignare ferentem.
Viue, vale, fortunere.

Sereniss. celsitud. tuæ

Addictissimus

Dionysius Ronsfert.

AEQVO LECTORI⁵

S.

Dionysius Ronsfert.



Vantæ sit artis, hoc drama licet in notis nostris, quas ad eius calcē addidimus, pluribus tibi, amice Lector, sim detestatur; tamen ne prorsus imparatus, ac quodāmodo imperitus ad eius lectionē accedas, pauca hic præmonere, ac præmunire visum est. Leges, *intelligentia Duce, Comite, ut spero, beneuolentia*, opus, quod antequam typis daretur, exiguo paucorum annorum spatio sæpius in Italiæ theatris stetit; infinitis propemodum exemplaribus exscriptum, ac distractum etiam trans alpes in Germaniam, in nostras Gallias Parisios, & alio longius euolauit; quod à tribus eximijs poetis tertiū in Italica metra versum est, plurimis alijs idē meditatibus; cuius fabulam alij totam italicis dramateis, alij partim latine imitati sunt; cuius denique lectione, ac spectaculo capti præcipui nostræ ætatis poëtæ tum latini, tum Hetrusci, mira de eo iudicia protulerunt. Quorum exemplaria è literis ab ipso authore ad me missis huc transferre cogitanti, eiusdem authoris obstitit modestia, ne id præstarem. Vnus est ipse Poëta, cui hoc poëma nō probatur. qui mihi per literas, non officiose, sed sancte, ac iuratus affirmavit totū perficiēdum, si sibi satisfactum velit: adprecari se veniam ætati, qua scriptum. Quid tamen, inquires, in lucem edi passus est? Passus, inquis? Quid si ab inuito amicorum literis, precibus, imperijs id drama expressū est? tum cauendum illi fuit, ne cæterorum iudicia, quibus tantopere placuit, suo iudicio damnare videretur. esto, non

A 3 ipsi 32

ipſi authori, ac ceteris omnibus ſatiſfactum eſt, qui elaboratum exemplum, & in multis mutatum, quod vnicum apud ſe poëta premebat, cum exoptarent, typographiæ beneficio id aſſecuti ſunt. Cætera omnia exemplaria manuſcripta, & libellos quosdam Italice ſcriptos Romæ, atq. Cremonæ impreſſos de huiuſce dramatis argumento, author, præter hoc vnum, non agnoſcit ſua. Nam multa in ijs omiſſa, immutata, deprauata. Primum hunc ingenij ſui foetum, quem ante octauum annum inter prementes grauioreſ occupationeſ ſuccuſiſ ſiſ horiſ paucorum menſium ſpatio pene puer finxerat Poëta, nunc tandem, quaſi obſtetricantibuſ amicis, in lucem hominum efferit: pro paſtoralibuſ fiſtuliſ tubaſ, pro ſyluiſ caſtra, *ex fumo deniq. lucem olim daturuſ*. Longe meliora meo iudicio ſunt pleraque alia poëmata, quæ nondum typiſ permiſit. Habebis, vt ſpero, breui ab eodem Diuum Aegidium Tragoediã venatoriã, in qua Regni. ac Regum noſtrorum laudeſ; lyricorum luſuum, in quibuſ varia, & noua argumenta; partem priorẽ; ac iuſtum opus Epicodrama vario, & iucundo argumento. Quorum in operum pluriſque pro rerum pondere, & authoriſ ætate ſtylum ſenſim quaſi matureſcentem videbiſ. Nunc quod ad hoc attinet, ſcite Terentianuſ Mauruſ:

Hor. epif.
ad piſ.

Pro captu leſtoris habent ſua fata libelli.

Nam qui Tragicæ orationiſ tenebraſ affectant, Paſtoreſ hoſce præ ſe contemnent, quod *ſophocleum* non geſtent *cothurnum*. Inique illi quidem, & contra illud oraculuſ: *Paſtorem oportet*

Virg. ecl. 8.

Virg. ecl. 8.

Deductum dicere carmen.

Quamquã verendum potiuſ eſt Poëtæ noſtro, ne, quod & Virgilio obiectum fuit, elatiore, atq. elaboratiore dictione nimium ſyluaſ attollere videatur. Sed præter quod paſtoreſ
ille

I
ille suos nobilissimos olim, ac doctissimos ciues fuisse docet;
audiendum illud etiam fuit:

Virg. ecl. 4.

Si canimus sylvas, sylvae sint consule digna.

Huc Scaliger l. 6. poetices: *Nobiles homines etiam quum rusticantur, animos à nobilitate remittunt, non amittunt. Ita con- dienda urbana seueritas agrorum amantibus, ut syluis ac- cedat decor, non ut aruorum praesentia splendor absit ciuilitatis. Denique hoc ita censendum est: Agros sine urbanis delitijs feros esse, aut sordidos. Ita stylo Poëta moderatus est, ut nec vn- quam humi serpat, nec per inania feratur nubila; sed nunc re- bus, nunc personis (quod summæ virtutis est, ac ingenij) at- temperauit. Caperata fronte seueriores fortasse aliqui vim, ac hilaritatem comicam, molliores affectus, crebra acumina, & ornamenta stomachabuntur. quippini? nesciunt quæ fi- nis poëtes, & quid tandem sit agresti calamo ludere.*

Virg. ecl. 1.

Critici artem, Grammatici singulas dictiones, syllabas, lite- rulas carpent, vellicabunt, corrodent. Vtrosq. praesertim il- los ad nostras Notas remitto, hosce vero etiam ad Agellium l. 13. c. 19. & ad Scaligerum l. 4. poët. c. 48. reijcio, ut suos in ijs authoribus mores, ac descriptam erubescant imaginem. Tum illud nunc habeat ab eodem Scaligero è citato capite. *Licet poëta contra tum leges, tum consuetudinem loqui: arces- sere præterea voces alias ab ijs, quæ in communi vsu sunt. Nihil enim maiorem comparat gratiam, quam nouitas. Momi etiam crepitum in veneris sandalio captabunt, in carmine ubi plu- ra nitent, paucas fortasse maculas, quas aut incuria fudit,*

Hor. ep. ad
pis.

Aut humana parum cavit natura —
traducent, irridebunt; quæ non assequentur damnabunt.
Quibus apte illud.

Μωμήσεται τις μᾶλλον, ἢ μὴ μωμήσεται.

Quorum latratibus (si me audiat poëta) non magis moueatur,


A 4 quam 44

quam Luna canum', aut Sol importuno cicadarum strepitu.
 Responsione dignandi non sunt, ne sese scarabei Aquilarū
 alis attollant. Satis esto Rubeno, quod summis eum laudi-
 bus extulerint, ut plerisque alios omittam, Comes Paullus
 Rossius, Equites Baptista Quarinus, Thomas Scilianus, quo-
 rum ille, dum Romæ daretur, interfuit; doctissimi viri I. C.
 Claudius Achillinus, & Gasparus Murtola, ac plerique alij
 poëtica facultate insignes ex authoris societate, omnes æta-
 tis nostræ principes poëtæ. Quorum iudicia quanti faciendā
 sint in arte poëtica præclara eorum poemata latino, ac He-
 trusco metro condita liquido produnt. Hos viros cum pro-
 se habeat noster poëta, an illum —

Hor. ser. l. — *Moveat cimex Pantilius aut (crucietur) quod*
2. Saty. 10 *Vellicet absentem Demetrius? aut quod ineptus*
Fannius Hermogenis Ladat conuina Tigelli?
 secure canat :

Id. 16. — *Demetri, seq. Tigelli,*
Discipulorum inter inbeo plorare cathedras.
 Ex iisdem floribus venenum Aranæ, mella seligunt Apes.
 Tu illas, amice Lector, auersere, has imitere. Vale.

III.



Illustrissimi D. Comitis

PAVLLI ROSCII

PLACENTINI POETÆ,

ac Philosophi Præstantiss.

ADMARIVM BETTINVM,

DE EIVS RVBENO.



*Viscera cœu terra Solis gravidata tepore
Germē alunt, fructus mox paritura suos:*

*Tu quoq; non aliter Phœbi nunc feruidus astro
Concipis ingenij semina prima tui.*

*Maturos fructus matura ætate daturus;
Sit amen est fructu flos tuus iste minor.*

*Vine, Rubene, diu vatam nitidissima gemma,
Cui sol ingenium, mens tua concha fuit.*

A S EIVS-




EIVSDEM.

Brius hausisti Musarum flumina cuncta,
Carminē dum vario fingere cūcta potes.


Nempe tuo cantu, cantus avis amula fundit,
Et crepitans leni murmurat aura sono.

Tunc etiam poteris Cælo deducere Lunam;
Cum semel hæc fuerit voce vocata tua.

Ipsaq; luce tua tunc, o noue Phæbe, micaret.
Sol Cælo, terris illa secunda foret.



EIVS



EIVSDEM.




*Ama suis Vates alis ad sydera ducit:
Te super astra tuum nobile ducet opus.*


*Aura tui cantus nimirum nomina cælo
Euehet, astrorum sislet & illa fugam.*

*Semper & hæc starent, Musæ ni voluere gyros
Inciperent, secum quos sonus ille vehit.*

*Si tua progenies Musæ vaga sydera voluent
Ascende, & primus tu quoque motor eris.*



EIVS



EIVSDEM.


Q Armina quot, Vates, cōcusso pectore fundis,
Musas fecundo tot paris ore novas.

Quæ non lymphatas sitiunt Aganippidos un-
das,


Qualibet at fontes elicit ore tuo.

Scilicet inde fluunt mage dulcia flumina, melle
Labri imbuta tui, quale nec Hybla creat.

Pindaricæ nec apes labris peperere liquorem:
Ingenio stillant dulcia mella tuo.



Ami-



AMICE LECTOR

Diuerbia, Soliuerbia, Monodia, Cantica, Saltationes, & cæteræ eiusmodi inscriptiones, quas in actibus leges, ideo factæ, ut qui lecturus, seu daturus hoc drama, videat qua ratione recitandum sit. Nam —

Monodia ab vno cum gestu, & cantu mœsto ad fides;

Cantica, quæ vnius sunt, cum gestu, & cantu ad fides;

Cantica, quæ plurium v. g. Chori alicuius cum cantu ad fides, vel tibias, sine gestu;

Saltationes Chori Pastorum cum cantu, & saltu ad fides, vel tibias, sine gestu;

Saltationes Pantomimicæ cum gesticatione, cantu, saltu ad tibias, vel fides;


Diuerbia, & Soliuerbia a pluribus, vel ab vno cum solo gestu recitantur.

Quasdam etiam aliquando lineolas huiusmodi —
interpositas versibus videbis. Ideo factum (præcipue
in

in ijs Diuerbijs, in quibus minus notæ sunt quantitatatis carmina) vt facile videas qua serie continuandæ sint versuum tomæ, vt integra habeas carmina. Nam vbi eę sunt lineolæ, indicant non esse ibi finem carminis, sed continuandum cum insequenti, donec consistas in ea fine, in qua nulla eiusmodi lineola; ibi enim finis carminis.

Quod vero pertinet ad noua quædam genera metrorum, quibus Poeta vtitur, ne facile carpseris, nisi eorum naturam, ac leges didiceris in notis. Idem edictum esto in reliquis omnibus, si quid forte dubitaris, vide notas ad singula, ne ex eorum grege sis, qui, vt est in Philosopho, *ad pauca respicientes facile enuntiant. Vale.*

AR-



ARGVMENTVM

Brenius dat Auditoribus Prolegus sub finem sui cantici: vberius hoc Lectores habento. Rubenus hebraus Sacerdos abreptum sibi, atq; abduetum a Syris primogenitum, fama mortuum nuntiante, deplorarat. Annis post plusculis Syri Aurana olim Urbe Palaestina ad fontes Iordanis, in qua Rubenus, armata vi potiuntur. Interibi Mesalpus Syrorum Tyranni filius, a Nabalo Rubeni Leuite, saeuo fortuna ludo, pro alio interimitur, dum simulata veste ominatam sibi necem studet eludere. Conciditur Leuites; Sacerdos cum tota familia in proximas sylvas relegatur, e ciuibus en Pastores. Inibi Heberus Rubeni nepos, ad quem proxime deuoluendum erat Sacerdotium spe, atq; animo vorarat. At Rubenus secunda prole Naimo fit parens. Annis vertentibus caeleste accipit oraculum Sacerdos de Naimo, vt ipse interpretabatur, in Sacerdotem inungendo. Ea re commoto, atq; inuidia stimulis instigato Hebero Obedus vates ex Bassanitide aduenit: fausta Sacerdotis familiae, ac regno, hoc est regiam eo die inunctionem Naimo, et certam inde olim Tyranni electionem numinis iussu pronuntiat. Hebero dolor aggeratur secum arbitranti se regno simul, ac Sacerdotio excidisse. Sed e gemini causa doloris sibi latitiae segetem, ac lethalem dolum elicit in Naimum, vt vtranq; illi dignitatem surreptam sibi asserat. Distinet vatem: fingit Rubenum vicinam Urbem ex negotio iniisse: missurum se qui euocet. Mittit qui Tyranno Vatis verba nuntiet, adfirmetq;. Tyrannus interempti memor filij, qua odio in Sacerdotem, eiusq; familiam, qua eripiendi sibi regni timore, Egyptij Pharaonis exemplo, Centurioni mandat in Iordanis fluentia puellum Naimum demergendum. Adulla matri per Raguelm


Rit

Rubeni fratrem suum Tyranni edictum suboluit . ea Naimum subductum in specum abdit . In quo puellus , post mutuas rixas , audit matrem , præclarum amoris materni specimen præbentem , dum pro se pectus præbet Centurioni confodiendum . Maternæ cædis dolor gemitum exprimit imprudenti . ea voce & ferrum ab ictu suspendit satelles, & Satyrus, qui paullo ante ex causa in penitam speluncam se se abiecerat ad somnum , excitatur . Emicat semicapri terrore monstri victus puellus: qua premitur arte promittitur , & maternæ necis vicem subit . Post matris dolores , ac querimonias tandem abstractus , in flumen deuoluitur . Heberus patruelicio iam perpetrato , Vatem dimittit ad Rubenum . hunc ille dum fausta impertit salute , ac latè compellat verbis , extremis obruit doloribus , seque perdendi pueli , quem Regem inuncturus aduenerat , causam agnoscit . Raguelus in solando Rubeni dolore fraterni amoris frustra prodit exempla . Collapsa , ac desperata omnia : Sacerdos exanimatus , filij , regnum , Sacerdotium erepta . Iam ab Rubeno Vatem infecta re abeuntem aduena Pastor ab Syria de via percunctatur , ac viso Sacerdote , cum eo miscet alloquia . Iucundi utrinque errores , & tacita agnitionum semina dum alter de altero ignoti colloquuntur . Discessurus cum Vate Pastor literas in Syriam quasi ad alium ad se accipit a Rubeno . Cerei sigilli occasione rixæ oboriuntur : ac iam a verbis ad manus : Pastor infestum telum provocatus in Rubenum intendit : sub ictu ex insperato patrem agnoscit : Symbolis se filium adfirmat , quem olim ab Syris auertit Rubenus extinctum putarat . Cedunt rixæ , ac odia in amores ; ictus , atque intentata vulnera in mutuos amplexus , & oscula . Telum Ioelus (id nomē Pastori) pene parricidij administrum abiicit in proxima vepreta . Illic præ timore iam proditæ fraudis latitantem Heberum ignarus sauciat . Patruellem puellum coniecerat Heberus in extremum lethi discrimen : id patruelis alterius ministerio numinis prouidentia in auctorem retorsit . Ecce autem Naimus incolumis sub attoniti patris aspectum reponitur . Audit non sine cælesti ope seruatum in vado , ac illinc extractum à prætereunte Ioelo . fratrum natu minor amissus , ac pene extinctus maiorem amissum , ac deploratum reperit : perierat alter , nisi alter periisset . Ignarus itaq; Ioelus quo adducendus , & cui tradendus puellus incidit in Aggeum Heberi fratrem illac venantem , quo indice , dum Naimum ignotum fratrem patriam domum reducit , ipse Ioelus à puello ad patrem reducit . Additæ mutue fratrum agni-

agnitiones, matris, patrum, visi nocturni, ac plurium. Supererat extremus noxus, quo Sacerdotalis, ac regia dignitates in fratres conferendæ implicabantur. Nam Vates Sacerdotium Naimo a numine abnuebat, Rubenus addicebat ab oraculo. Ab Vate oraculum anceps compertum, atque apertum. Primogenitus ex patrijs legibus Sacerdos, puellus Lauiaz instar in sylvis regulus inunguntur, saluantur. Heberus a periculoso, non graui vulnere corporis animi accepta salute, facilem in tantis letitijs impetrat veniam a clementia Rubeni; cui pro infortunio, quod machinatus fuerat, irrita astu felicitatem geminarat. Capripedes ludunt, illuduntur miris modis ab aucupe, ac venatoribus. Satyrus prædas expressurum se a redeuntibus a venatione minatus, dum e spelunca per fruteta fugitat, retia incidit præda factus. Semiferus ferina oneratus baiulum agit conuiuij: mox liber dimissus. Aucupia, Venationes partim a consilio, partim a forte festas inunctionum mensas in tempore instruunt. Immixti chori nunc verba, nunc operas conferunt in negotium. Iordanis genius, siue Angelus, ad cuius fontes res acta, cuius aquis immersus, cuius ope seruatus puellus, ore fluuiiali præcinendo proloquitur. Dramatis initium ab oraculo, & apparatu Rubeni ad Naimum inungendum. Post oraculum omnia lucis vnus peracta spatium. Quæ ante oraculum opportune subinde in Dramate narrata.



IN-



INTERLOCVTORES.

Angelus præses Iordanis sub forma fluuij.	<i>Prologus.</i>
Rubènus	<i>Magnus Sacerdos.</i>
Raguèlus	<i>Frater Rubeni Pastorum Pater.</i>
Hebèrus	<i>Primogenitus Ragueli, Pastor.</i>
Edènus	<i>Socius Heberi, Pastor.</i>
Obèdus	<i>Vates.</i>
Aggæus	<i>Heberi frater minor, Venator.</i>
Echo.	
Orèbus	<i>Socius Aggæi, Venator.</i>
Adulla	<i>Mater Naimi.</i>
Naimus	<i>Secundogenitus Rubeni, puerulus.</i>
Theròdamas	<i>Regius Centurio, Syrus.</i>
Ioèlus	<i>Primogenitus Rubeni, Pastor.</i>
Nadàbus	<i>Leuitarum Princeps.</i>
Nehemiàs	<i>Leuita.</i>
Gèlbeus	<i>Seruus Aggæi, Venator.</i>
Ieraèlus	<i>Seruus Rubeni, Auceps.</i>
Saryrus.	
Faunus.	

Cho-

Chori { *Leuitarum.*
Pastorum.
Venatorum.
Satyrisorum.

*Scena Statuitur in Auranitide, olim regione Palaestinae
 ad fontes Iordanis.*

Si Adullam in Scenam nolis inducere, sed sine foeminis negotium lubeat peragere; expunge duo carmina, quæ ipsa loquitur act. 5. diuer. 10. Tum vide act. 4. in margine diuer. 1. 2. 3. monod. 1. & act. 5. diu. 6. admodum pauca, quæ partim ommittenda, partim leuiter immutanda sunt, vt pro Matre Patrem inducas.



An-

Angelus præses Iordanis sub forma fluuij.

CHORVS PASTORVM.

Prologi — canticum.



*E*loriparæ valles, sæcundaq; frugibus arua:
 Viti feri colles, syluaq; virore comantes,
 Quas Itali tranquilla fouet clementia cæli,
 Et pater Eridanus felicibus alluit undis;
 Aduena fluminei glauca sub imagine vultus
 Vos tandem inuiso; magni sacer ales olympi
 Ille ego, quem fluuius cælum præfecit amæno,
 Cui Libanus præbet nascenti, & rauca cienti
 Murmura vagitu gemino cunabula fonte.

At quis Idumææ montes huc transtulit altos?
 Quæue Palæstinos fingunt spectacula saltus?
 Aemula naturæ quid non mortalia tentant
 Ausa, labos ingens ingentibus additus orsis?
 Artifici ingenio, quas distulit æquore vasto
 Omniparens natura, datur committere terras.

En superimposita agnosco non cognita notis
 Gramina graminibus, prope nostraq; flumina flumen
 Optatum, quo non Italis præstantius oris
 Adriaci tumidas vllum subit æquoris undas.

Agnosco Syluamq; Copar, collesq; propinquos;
 Parte alia Libanum tendentem vertice ad astra
 Cedri ferro, procul hinc turres, ac tecta domorū

Ar-

Ardua, pinnatis quæ mœnibus Auranitis
Alligat, & terras late dominatur in istas,
Atq. Auraniticam signat cognomine gentem.
Sit licet immensum non magnus hic angulus orbis,
Nulla tamen latis regio ditissima terris
Laudibus huic certet, non Indica littoris unda,
Non Creta undisoni quondam regina profundi,
Thessala non Tempe, non vestra (ignoscite fasso)
Italia, Oceani, terræq; superba triumphis.
Hac olim riuis currentia mella videres,
Et mea cum lactis, mea flumina nectaris ibant.
Non alibi toties positam stans hostia ad aram
Saucia fumantes infecit sanguine cultros.
Hæc loca fictorum non fana profana Deorum
Polluerunt, non signa truces imitantia formas;
Sed pia relligio coluit, sed numinis ardens
Cultus per nimbos cælo delapsus ab alto.
Hic sacri vates, hic gens asperrima bello,
Longa sacerdotum series, & stemmata Regum.
Nec postrema fuit sylvestris gloria vitæ;
Sed studium multis veterum de more parentum
Innocuas habitare casas, laqueisq; fugaces
Irretire feras, cæliq. per alta natantes
Aut pedicis volucres, aut lento fallere visco.
Ac; dum torrentes Titam vomit aureus ignes,

B

Et

Titam vomit aureus ignes,
 Et tremula raucæ crepitant sub fronde cicadæ;
 Dum ripæ viridante toro grex nostra secundum
 Flumina, populea requiescit anhelus in umbra;
 Grande supercilium cliuosi collis inire,
 Et pastoralis diuinæ carmine laudes
 Pandere; tum Patrum meminisse pericula, & inter
 Lanigeras pecudes hominum proludere regnis.
 Heu domiti quondam spolijs orientis onusta,
 Et Regum innumeris tellus opulenta trophæis,
 Seruili nunc pressa iugo captiua laboras,
 Et Thracæ curuata gemis sub pondere Lunæ.
 Ausonia pubes torpenti excussa veterno,
 Induerit patriæ si quando laudis amorem,
 Ausit & Aegææ perfringere cornua Phæbes,
 Ne superi captiua trahat cunabula Regis;
 Te, decus Italiæ, nostri laus inclyta sæcli,
 RANVTI, manet imperium: tua iussa capeffet,
 Europæ generosa petet tua signa Iuuentus,
 Auspicijs discetq. tuis agitare triumphos,
 Et debellatis innectere vincla Tyrannis.
 Libera tunc nostris errabunt otia campis,
 Vernabuntq. meis FARNESIA LILIA ripis.
 Tunc ego taurino subiens iuga mitia collo,
 Præses & Eridani pariter tua lora trahemus,
 Teq; triumphali tollemus ad æthera curru.

Inte-

*Interea tibi, magne Heros, mea flumina pronus,
Imperijs nostrasq. tuis submittimus oras.
Tu cape dona lubens, nec dedignare ferentem.*

Chor^o P.P. *Tremulas inter abdita frondes
Placido ludit aura su furro.
Tacite labens roscidus humor
Nectare flores lactat hiantes.
Turba volucrum garrula lucem
Voce salutant*

Ang. Ior. *At quæ vicini descendit ab aggere collis
Carminè leta cohors? Simulantis imagine vestis
Instar habet turbæ, qua complorante, puellum
Fraudibus inuidiæ miserorum ex ore parentum
Abreptum, & rapido mergendum gurgitis haustu,
Me incolumem præstante, meis eduxit ab undis,
Et retulit patrias ignotus frater ad ædes.
Cum puerum Vates regali chrismate, natum
Forte parens notum sacrauit honore tiaræ.
Ore, habitu antiquæ pro quantum hæc æmula turbæ!
Sed quæcunque, vale. vultu blandita nitenti
Obuia muscosi me vocat unda Padi.*

CHORVS PASTORVM

*Musa, quam molles comitant choreæ,
Iubar Auroræ rutilum canora*

B 2 Voce

*Quæ genera
hæc metro-
rum vide in
Notis.*

Voce saluta.

*Salve nascentis filia solis
Ante parentis edita partum ;
Lucidum partu enixa parentem ,
Lucidi partu extincta parentis.*

*Salve quæ pratis reſeras odoris
Totidem flores, vaga quot olympo
Sydera condis.*

*Roseos aperis ætheris hortos ,
Spargis eoi veris honores .
Quam radianti fulguras ore !
Pene videris ante solem
Pandere Solem .*

*Felix hic, pulsus animi procellis,
Prodeat Titan , nitidaq. cedat
Luce serenus .*

AC-

ACTVS PRIMVS

Rubenus, Raguelus.

Diuerbium primum.

Rub. **E**XTVLIT auratos eo gurgite crines
Quæ nobis denos aurora retexuit annos,
Cum dulci patria pulsus, mandante Tyranno,
Cogimur ignoti syluestrem ducere vitam.
Extulit hæc eadem ridenti gaudia vultus.
Nam mihi, quem summi prona indulgentia celi
Tandem sub seræ concessit sine senectæ,
Solennes hodie puer est ungendus ad aras,
Thura Deo quondam laturus ritè Sacerdos.

Rag. Cur hodie? mora nulla datur? quæ causa, quis author,
Tantum opus accelerat?

Rub. Superi mandata Parentis.
Proxima nox aderat, cum vox demissa per aures.
Expulit attonito securum pectore somnum:
„ Craftina cum summos auroræ purpura montes
„ Pinxerit, vnge tuum sacro Chrismate natum.
Vix ea, caelesti radiarunt fulgure tecta.

Rag. Anne Sacerdotis dignandus honore puellus?

Rub. Quidni? regali dignatus honore puellus

B 3 Davi-

*Dauides olim multos inglorius annos
 Pastor Idumæas non mulsit carmine Vallès
 Ante necem primi Cissei Regis, & ante
 Debita quam sacris fulgeret purpura membris?*

*Rag. Ille ne sacrificiis placabit numina votis,
 Qui vix dum tenero molitur verba labello?
 Ille coronatas iactabit thura per aras,
 Cui regitur patria cum gressu dextera dextra?*

*„ Rub. Chrysmata diuinum, non ætas longa, ministrum
 „ Constituunt, non vestis honos, non insula mitra,
 „ Chrysmata, diuino iussu cogente, futuros.
 „ Præuertunt annos, maturaq. tempora vitæ;
 Ut, puerum cum firma virum iam fecerit ætas,
 Ore preces; ac thura manu iactare verendus
 Discat, & intonsas ferro mactare bidentes.*

*Rag. Nutat adhuc dubiam turbans sententia mentem,
 Hunc cunctis sacrandum poscant oracula natum;
 An tibi quem rapuit subito inclementia Martis,
 Vastauit nostros cum turba bellicus agros?
 Ille semel nostras si forte reuideret oras,
 Natorum princeps diuina lege Sacerdos
 Non vngendus erit? Frustrato Chrysmata Natio
 Quid profit? Frustra ne Deum mandasse putandum?*

*Rub. Mitte renaſcentem verbis lactare dolorem.
 Sit satis, heu, caro pro pignore suspirantem*

Quod

Quod me sepe vides : mihi te, mi nate Ioele,
 Non sortis vis ulla dabit, quem ferrea Martis,
 Ac mortis vis seua rapit : tibi vita superstes,
 Cuius fama meas non vnquam allabitur aures ?

Rag. Incolumem superesse tuum, Rubene, Ioelum
 Credere (credo equidem non irrita) somnia suadent.
 Tempus erat, vigili quo prouocat ore morantes
 Aurora torpentis equos Titanius ales ;
 Cum mihi sollicita versanti mente Ioelum
 Sera quies tandem fessos illabitur artus.
 Inter oues viridi recubare videbar in umbra,
 Iordanes qua seracitis argenteus undis
 Leniter effundens per pingua culta vagatur.
 Palma vetus, sed palma suo spectanda virore
 Propter aquam patulis diffusos vertice visa est
 Luxuriare comis, foetu non amplius vno
 Cum subito assurgens nimbo si turbidus Austri
 Impetus horri sono correptos turbine ramos
 Concutit ingeminans, excussus ab arbore fructus
 Excipitur vitrea muscosi fluminis vnda
 Arida concussa flauescunt brachia palme.
 Iamque Notus stridor confederat omnis, & aura
 Lenior aspirans nutantes molliter herbas
 Mulcet : in antiquum reparatur palma vigorem.
 Ecce caput summo fluuij de gurgite tollens

*Vir grauis, ignoto se ad flumina forte ferenti
 Imperat, oblatum deponat in arbore foetum.
 Haerentem quem sponte sua (mirabile dictu)
 Cernere erat, rursusq; suis inolescere ramis.
 Attonitus iuuenis palmae frondentis in umbra
 Subsedit, tum missa vadis vox intonat ingens:
 Aspice num noris patria sub fronde sedentem.
 Aspexi; quæ forma mei mihi visa nepotis.
 Hæc tam præsentis lustrabam singula mente,
 Rerer ut in somnis in somnem ducere lucem.
 Et nunc sic in his hærent in fixa medullis,
 Ut vigil haud vigilem videar mihi carpere somnum.
 „ Rub. Sepe quies quos noctis alit temeraria, falsis
 „ Ludit imaginibus nequicquam pectora turbans,
 „ Ut metunt, sperant, de, dolent, gaudent, de diurnis.
 Venanti saltus, piscanti retia, bellum
 Militibus, volucres Aurigæ somnia currus.
 Et tibi Pastori sylvestria visa videntur,
 Undeq; palmaeq; leues, ventiq; furentes.
 „ Rag. Omnia qui retur fallacia somnia fallax.
 „ Rub. Nec qui cuncta putat veracia somnia verax.
 „ Quæ cælo veniunt non pugnant somnia cælo.
 Si Pater omnipotens venturo sacra Ioela
 Destinat, infanti cur mandat habenda Naimo?
 Deniq; quicquid erit videat Deus: ille futura,*

Ille futura videt ; nobis præsentia cura .

Nos igitur sub templa p̄ij, quæ proxima collis

Ostentat molli demittens culmina cliuo ,

Nitamur, tantis orantes omina rebus.

” *Auspicijs res cæpta bonis male cedere nescit :*

” *Auspicijs cæpitq̃ bonis qui numen adorat.*



Get

Quod genus
hoc metri,
& similitum
in alijs atti-
bus, vide in
Notis.

Gelbeus, Ieraelus, Faunus, Satyrus.

Diuerbium secundum.

Gel. **O** H salue, Ieraele, quo te proripis?
Ier. Rubenus herus aucupatum propere
Misit, ne desint alites conuiuio,
Vincturus gnatum quod festinus apparat.
At tu quid hoc oenophoro?

Gel. Et mihi nulla ab hero datur requies,
Nocturnis, & diurnis qui venatibus
Corpus, mentemq. deterit.
Aut leporem sectari, aut damas figere,
Aut apros obsepire densa indagine,
Aut Ceruos irretire obiectu purpuræ,
Et seruos delassare cursu, & comites,
Hæc illi cordi studia.
Hau, malum feris, retibus, venabulis,
Venatibus, venantibus.
En orto vix dum Sole trudor somnians
Venaticas sparsurus nares canibus
Huiusce meri aspergine.

Ier. At gradu Faunus violento, ac Satyrus
Huc fame leues aduolant.

Secede

Secede mecum post fruteta hæc : belluas

Rimabimur hinc tuti, & aucupabimur.

Hic dum sepono oenophorum.

Fau. *Ex quo Sacerdos, & caterua ciuica*

Hæc insedere nemora,

Affiduo venatu lucus perstrepat,

Collesq; canum personant latratibus,

Vastantur sylvæ, lustra feræ deserunt,

Aut raræ vastis iam vagantur saltibus.

Antiqua nobis auehuntur pabula,

Nec salus ulla reliqua est

Iam fame pereuntibus.

Si quid a præda redeuntibus rogito,

Aurum me poscunt omnes, aurum clamitant.

Quid aurum fiet nescio:

Nunc primum nomen id ab illis audio.

Quid rei, malum, flagitant?

Sat. *Silenum hæc canentem quondam memini:*

„ *Aurum, sine scis, est fortunæ vomitus,*

„ *Curarum proles, & curarum genitor.*

„ *Quod si possideas, fortunæ es asinus,*

„ *Et vile pecus: inde fit pecunia*

„ *Aurum, mutato nomine.*

„ *Quod si possideas, te ipse haud possides:*

„ *Immo nec aurum possides,*

Qui

- » Qui te, qui aurum possides, non possides.
 » Lucet, sed luce sua offundit tenebras,
 » Vt opes quisquis habet, opes quæritet,
 » Nec opibus in ipsis opes videat,
 » Et opibus in ipsis inops egeat.
 » Sit graue licet, aura est aurum leuius,
 » It, redit, ocys per manus transuolat.
 » Sit mole licet præditum,
 » Per omnes tamen se traiecit rimulas
 » Phoebea luce tenuius.
 » Non corpus modo sauciat
 » Ferri rigore senius,
 » Sed mentis ima exulcerat.
 » Hinc aurum quisquis *auet, curis anxius
 » Pallefcit auro concolor.
 » Vt multa paucis assequar:
 » Malorum causa preciosa est omnium.
 Hoc igitur te postulant,
 Aurum cum, Faune, postulant.
 Fa. Hoc si sit aurum, auro diues affluo,
 Nam curis usq; & usq; malis affluo.
 Hoc si me volunt, habeant
 Non aurum modo, sed sint prorsus aurei.
 Quid tamen cause, quod Pastores pariter
 Non aurum nobis largiuntur largiter?

Ni-

„ Sat. *Nimirum auri lucem umbra sequitur*

„ *Infelix auaritiæ.*

„ *Et rarus auri est dominus*

„ *Non seruus auaritiæ.*

„ *Ab auro auari promanarunt nomina:*

„ *Dum aurum, aurum geminat,*

„ *Au - arum dictum dictitant.*

„ *Quo quisq; est auri largior,*

„ *Auri plerumq. est arctior.*

Fa. *Si res sic habet, auri, ac dapis inopes*

Nos interim peribimus.

Sed non sic habet: pereant

Qui nos perire mauolunt.

Ad vim res adducenda: vis extorqueat

Quod crebra preces nequeunt.

Si memet ipse noui, faxis sentiant

Quantum torosa polleant hæc brachia.

Ier. ... —

Fa. *Inuadam, inuitis prædas exprimam.*

Ier. --- --- —

Sat. *Si quis nitatur oblectarier,*

Hisce discerptum minutatim ungulis

In leues spargam Zephyros.

Ier. --- --- --- —

Fa. *Hos palantes more pecudum*

*Quoties se-
ries puncto-
rum, ibi to-
ties cuculi
fingenda vox,
ut cum me-
tris consen-
tiant.*

Iner-

*Inertium per vasta trudam auia ;
 Illos ad rupis dorsa afflictos penitus
 Excerebrabo , euiscerabo misere.*

Ier. --- --- —

Sat. *Ab imiseruta radicibus
 Annose quercus iaculabor robora.*

Ier. --- --- --- --- —

Fau. *Rotabo procul ardui
 Abrupta montis fragmina.*

Ier. --- --- —

Sa. *Vt importune hic ales obstrepit !
 Iam iam loquaci rostro saxum ingero ,
 Vt doceam silentium .
 An nulla hic iacent saxa ? Faune, quærito ,
 An illis vlla sub frutetis latitent.*

Ier. *Iam nos accedunt : age sis , o Gelbee ,
 Fugaces nobis agitentur soleæ.*

Fa. *Hu hu, hu hu, —*

Gel. *Me miserum !
 Dum trepido , lagunculam
 Oblitus illic liqui : sine redeam.*

Ier. *Perge, ne in faunos incidas.*

Fa. *Hu hu, hu hu. —*

Sa. *Ecquid venaris naribus ?*

Fa. *Hu hu, hu hu : te fugit hæc fragrantia ?*

Hu

Sa. *Hu hu.*—

Fa. *Hu hu.*—

Sa. *Hu hu.*—

Fa. *Hu hu.*—

Sat. *Hu hu.*—

Fa. *Hu hu.*

Sa. *Ni fallor, meri merus istic odor est.*

Ecquid hic Bacchus delitet?

Fa. *Oh oh, oh oh doliolum.*

Sat. *Educ sis epistomium.*

Fau. *Hu hu: mehercle, odoris per vestigia*

Inueni florem, satyre.

Sat. *Ain? & hunc mi liceat*

Ore odorari flosculum.

Fa. *Licebit. at iam nobis Satyriscos*

Acturi prædas asciscamus socios.

Sat. *O bellulum doliolum,*

Vt hilaris te suauior,

Sexcentiesq; iuuat suauiarier?

Gel. *Donec disrumpas ilia.*

Ier. *Ha, ha, he.*—

Gel. *Malum tibi quod Deus duit.*

Ier. *Quid omisisti vasculum?*

Gel. *Quid tu seponi iusseras?*

Dum tu aucuparis Satyros,

Ipsi

Ipsi occupant ænophorum.

Ier. *Ha, ha. —*

Gel. *Scelestum caput, riden' iterum?*
Cui ego hoc pugno. —

Ier. *Papæ, manum contrahis?*

At pedes ego exporgo. —
Soliuerbium.

Gel. *Præceps labere.*

Væ meis, herus si resciscat, humeris.

At commentabor fabulam.

Putas, bibaces belluæ

Egregie se proluent?

Si noui ingentes meri illius spiritus,

Fumabunt mox altaria.

Mi quas non rentur pœnas luent ebrii.



He-

PRIMVS.

31

HEBERVS.

Monodia.

Sylua frondosa, sylua, collesq; supini,
 Et vos omnigeno ridentia prata colore,
 Annua iucundi retulistis gaudia veris;
 At me praterita liquerunt gaudia vite.
 Iam resoluta cadit glacies de montibus altis;
 Nostra quoq; assiduo liquuntur corda dolore.
 Iam grauido tenera trudentur palmit gemmae;
 Et mea perpetuis turgescent lumina guttis.
 Nunc arbor dulces praebet Pastoribus umbras,
 Nunc somni molles, nunc pubes fusa per herbam
 Dulcia multifori modulatur sibila canna:
 Solus ego, hei misero, saltus, & lustra pererrans
 Conqueror, & nostris respondent saxa querelis.
 Hei mihi, cura ouium, rapidarum cura ferarum
 Languenti fluit ex animo: dolor omnia vincit.
 Ite leues Cerui, saeuq; in montibus Vrsae,
 Ite lupi, miserumq; pecus laniate furentes:
 Non vos praterea mea tela, aut retia ledent.
 Vt lubet ite meae nullo custode Capellae:
 Pascite vos herbas gemmantes rore recenti;

C

At

*At mea sollicitis pascentur pectora curis .
Vos bibite algentem vicini fluminis undam ;
Singultus , lacrymasq; bibent nostra ora perennes .*



Ede-

Edenus, Heberus.

Diuerbium tertium.

Ed. **F** Allor? an ulla meas vox flebilis impulit aures?
Cuius? Hebere, tua est?

Heb. Cur me cur dicis Heberum,
Quem lacrymae fecere undam, suspiria ventum?

„ Ed. Pone modum curis: lacrymae non pellere possunt,
„ Non ducta ex alto suspiria corde dolorem.

„ His dolor augeri, furtiuas ducere vires

„ Suevit, & occultas violentior esse medullas.

„ Qualis quæ nullo collabi flamma vigore

„ Cæperat, inclusam si reddere foliibus auram,

„ Et leuibus tentes occultam spargere lymphis,

„ Irritata nouis assurgere viribus audet,

„ Et circumfusa minitari murmure turbæ.

„ Heb. Durius est olim speratis cedere rebus,
„ Quam sperasse nihil, nihil aut gustasse secundum.

„ Ed. Plerunq; ut voluere dolent mortalia corda:

„ Sed vitæ generosus amor rapienda proteruis

„ Tristitiamq; metumq; dabit trans æquora ventis.

Heb. Men' adeo reris sanæ rationis egentem,

Vt me carpenti iuuet indulgere dolori?

C 2

Ipsè

*Ipse dolor mentem, non mens fert ipsa dolorem :
Hanc ille in magnos abreptam conijcit aestus ,
Iactatæq; negat tranquilli littora cordis.*

„Ed. *Sperandum : quos ipsa dies tulit atra tumultus ,*

„ *Auferet ipsa dies felix, & sole reducto ,*

„ *Densa serenata diffabit nubila fronte .*

Heb. *O utinam, crescente die, decrescere curæ*

Incipiant : vereor maturescantibus annis

Notitiam, viresq; trahat firmata cupido ,

Elapsi momenta boni dum singula pendit.

„Ed. *Serpenti celerare decet medicamina morbo :*

Et medicamen erit primas euoluere causas ,

Quæ tua tam diro presserunt pectora casu .

„ *Profuit interdum grauidi penetralia cordis*

„ *Pandere laturo fidum solamen amico ,*

„ *Atq; leuatur partitæ pondera molis.*

„ *Qui tacito latuere diu sub corde dolores ,*

„ *Mutati erumpunt manifesto ex ore furores .*

Heb. *Constitui memorare meos tibi sæpe labores ,*

Sed renuit mens ipsa nouo deterrita luctu .

Nunc quia tantus amor nostrum cognoscere vulnus ,

Meq; iubes nullam non hinc sperare salutem ;

Horret adhuc quamuis, refugitq; fricanda cicatrix,

Incipiam, summi libans fastigia facti .

At tibi, sis nostræ quamuis nouus incola syluæ ,

Mi-

*Miror adhuc ignota ignotis cognita terris
Quæ reor, & quæ me vel fama tacente locuta est.*

Ed. *Ipse dolor patuit, latuit me causa doloris.*

Heb. *Accipe: Dum patriæ nos libera tecta fouebant,
Sacrorum heredem, prolatoresq; creandæ
Stirpis Ioelum sibi tum Rubenus alebat.
Quem forte Auranes egressum mœnibus, inter
Aequales cætus puerorum dum puer ipse
Plectit odoratas per florea rura corollas,
Abripit incautum syrijs manus excita ab oris.
Hoc Pater orbatus, prolisq; elusus inani
Spe, licet inuitus patria me legè nepotem
Heredem sacris, & auitis allegit aris.
Quid consanguineæ, quid amicæ gaudia turbæ,
Quidue salutantum refluentes ædibus undas
Commemorem? Sacro iam tum diademate frontem
Cingere, iam rutilo fulgere videbar in ostro,
Ferreq; bis senis radiantia pectora gemmis.
Gaudebam hæc fingens, & iam securus honoris
Ceu mihi præsentis pascebar amore futuri.
O quoties multis vallatum millibus, urbis
Per fora, perq; vias me dum miratur euntem,
Ore renidenti rorantia lumina cælo
Turba tulit, tacito suspenditq; omina labro!
O quoties curuata genu reuerenter adorans*

C

3

In

*In me maturo præuertit munus honore !
 O spes dilapsas ! o dulcia tempora ! eheu
 Quam nunc quam tristi torquetis viscera sensu !*

Ed. *Comprime singultus, lacrymas compeſce cadentes,
 Neue nouis auge currentia flumina nimbis.
 Perge, tibi nubes quenam importuna ſerenos
 Turbarit ſoles.*

Heb. *Syriæ Rex impius oræ
 Ecce Damasceſis erumpens faucibus, Vrbem
 Occupat, & noſtras ferrato milite terras.
 Excutiſtimur patria, ſyluiſq; immittimur iſtis.*

Ed. *Tam duras meruit quæ veſtra iniuria pœnas ?*

Heb. *Ignoscenda quidem, noſſent ignoſſe Tyranni.*

Ed. *Hanc, age, narrato.*

Heb. *Funesta, ac digna relatu eſt;
 Sed narranda, meæ tuleris cum gaudia menti.
 Interea propiora ſequar. maturior æui,
 Atq. animi, ſenſis bis iam labentibus annis,
 Dum ſacris inbio, dum templa nitentia, dumq;
 Paſtorum in magnas, Leuitarumq; cateruas
 Imperium expeſcto, nobis libamina prima,
 Primitiaſq; ferant frugum, me deniq; turbæ
 Celi hominem, terræue Deum venerentur, adorentq;
 Heu ſortem exortem ! ſpes exſpes ! fata puellum
 Hæredem educunt, exhæredatus abiui.*

Quam

Ed. *Quam nihil elatis fas quemquam fidere rebus!*

Heb. *Tum me letitiæ deiectum culmine ab alto
Tristitiæ excepit præcep, atq; alta vorago.
Tum me lucis amor, tum me solatia ruris,
Deseruere cibi, deseruitq; sopor.
Et mox inuidiosa odia, inuidia osa puellum
Incessere meam geminato vulnere mentem.
Sylua ter amissæ vernantem frondis honorem
Induit, amissa cum nos quoq; viuere vita
Cæpimus, & viuam trahere agra per omnia mortem.*

Ed. *Forte feret vitam tibi mors matura Naimi.*

Heb. *Heu vox dira meas hodie circumsonat aures,
Cælitus inuiso properari Chrisma puello.
Nos nisi surgentem properemus vertere molem,
Non posthac, Edene, tuum spectabis Heberum.
Certum est per scopulos, & per glacies montanas
Exilium durare: meis ibi forte querelis,
Quando virum nequeunt, mollescent corda ferarum.
Mecum rugabunt frontem mæsta æquora: mecum
Ventus aget teneras inter suspiria frondes,
Antraq. fontanis flebunt stillantia lymphis.*

Ed. *Ferreus, aut ferus est qui non dolet, atq; dolorem
Audit, Hebere, tuum. Sed te fiducia nostri
Si qua capit, fluctus animi compone tumentes.
Polliceor tibi quidquid opis mens nostra, manusq;*

C 4 Ferre

Ferre queunt.

Heb. *Quid ferre queant Oracula contra?*

„Ed. *Credulitas timida est: timeant qui talia credunt.*

„ *Mens delira senum somnos oracula fingit.*

Heb. *Finge tamen non ficta.*

Ed. *Tamen tentasse iuuabit.*

Heb. *Non dabitur prohibere.*

Ed. *Moras innectere detur.*

Heb. *Ardua moliris.*

„Ed. *Spectanda per ardua virtus.*

Heb. *Audax diceris.*

Ed. *Verus modo dicar amicus.*

„Heb. *Cum iuuat audendum est.*

„Ed. *Ipsum est audere iuuamen.*

Tu modo pone metus, & latos indue vultus,

Dum mecum hinc cedens meditor noua damna Naimo.

Heb. *Pectore tam fido tibi præmia digna rependant,*

Aspirentq; tuis clementia sydera cæptis.



CHO.

CHORI PASTORVM

Saltatio prima.

*Superas norunt singula leges,
Et iubentis æqua ferunt
Numinis imperia.
Tacitæ præses
Delia noctis
Scuto tecta argenteo;
Aut falcato vecta curru
Lucida ductat agmina cæli.*

*Vide huius,
& caterarū
Saltationū
metra in
Notis.*

*Creperæ Vesper lucis ocellus
Seras idem, matutinas
Condit, effert faculas:
Altera Phæbe
Lucis ademptæ
Patitur dispendia:
Nunc inferne, nunc superne
Flammeum Phæbi circinat orbem.*

Vacuo

*Vacuo pendet àère tellus ,
 Seque vasta mole librat
 Facta levis pondere !
 Senio brumae
 Occidit annus ,
 Veris idem floridas
 Rediuius inter cunas
 Nitido ridet ore nouellus .*

*Spumeus altis expuit undas
 Aestuanti pontus ira :
 Littus vrgens murmurat
 Aurea vinctus
 Compede arene .
 Certis acta vicibus ,
 Et immotis mota habenis ,
 Superas norunt singula leges .*

*Sola (proh nefas !) fronte rebeli
 Inhumana mentis audet
 Vis humane obnitier .
 Desine cæpto ,
 Liuide Pastor :
 Diuo iussa monitu*

Con-

*Coniuratà quid moliris
Chrismata vecors tollere fraude?*

*Solido rigent fixa adamante,
Casso niteris labore
Cæli iura vellere.
Vela tumentis
Contrahe mentis.
Colla (viden?) mitia
Tellus, æther, pontus, aer
Superæ monent subdere legi.*




AC-

ACTVS SECVNDVS

Obedus, vnus è Choro Pastorum.

Diuerbium primum.

Ob.  *AEC est, quā geminis Iordanes cornibus ambit,
Hæc trans antiquam protenditur Auranitem
Terra ferax, quam iussa Dei monuere petendā.
Tecta Sacerdotis non notis abdita syluis
Quis doceat?*

V. e Ch. P. *Quæ forma Senis, cui pectus anhelat,
Crebra quatit cui membra tremor, cui non color vnus,
Non ijdem vultus, incertaq; lumina nutant?*

Ob. *Quis mea tam subitus præcordia permeat ardor?
Quo feror, aut ubi sum? rerum quæ surgit imago?
Ille quis armatus facie spirante Satelles?
Quem, furibunde, petis? quo te tam turbidus infers?
At noua quæ facies alio mea lumina versat?
Multiplici serpens maculatus terga veneno
Voluitur acclui per leuia brachia lapsu
Umbrantis platani, & lingua vibrante minatur.
Ah ferus, implumem deuoluit ab arbore pullum,
Quem super increpitans reuoluto stridula gyro
Nequicquam volitat mater: nihil ille nec audit,
Nec*

SECUNDVS. 43

*Nec timet : occultas & iam delapsus in herbas
Delituit : sed mæsta sedens philomela sub umbra
Flebile flumineas disperdit carmen ad undas.*

V.e Ch.P. *Iam mens ad se se redijt, calor ille resedit :
Sed loca miratur sommo velut excitus alto.*



Obe-

Obedus, Edenus, Eberus, vnus è Ch. PP.

Diuerbium secundum.

Ob. **T** Empestiuus ades pastor: vestras ne Sacerdos
Exul habet syluas?

Ed. Non hinc procul: ecce nepotem
Alloquere oblatum.

He. Num me, longæue, requiris?

Ob. Non te, sed Patrum.

He. Liceat mihi scire quid illum
Scire velis.

Ob. Vobis regnum, regnoq; salutem
Nuntio: nec fessos sol merget in æquore currus,
Ante puer manibus quam regia chrisinata nostris
Regia regali cum nomine chrisinata sumat;
Vt simul ac olim plenis adoleuerit annis,
Rex Auranitica protrudat ab urbe Tyrannum.

Heb. Quem memoras puerum?

Ob. Vestra de stirpe Naimum.

Heb. Quis tibi non noto dat nomina nota puelli?

Ob. Omnia qui nouit, qui vatem me sibi legit,
Imperijs egitq; suis has querere terras.

Heb. Vnde huc appellis?

Ob. Magnis fecunda Prophetis

Me

Me Bassaniticis tellus effudit ab oris.

Heb. *Tun' igitur nostrum quemquam sacrabis, & unges
Tun' hodie?*

Ob. *Hocce die.*

Heb. *Regem tun' ergo puellum?*

Ob. *Ellum.*

Heb. *Rubeni?*

Ob. *Id veni.*

Heb. *Vix credere dignum est.*

„ Ob. *Nil mirum: turbant subitam noua gaudia mentem:*
„ *Sape minus credit quæ quis nimis anxius optat.*

Heb. *Me miserum!*

Ob. *Quæ tanta noui tibi causa doloris?*

Ed. *Rubenus quia nullus adest, quem vidimus vrbis
Moenia vicina dum matutinus iniret.*

Heb. *Sic est: interea nostro succedere tecto
Ne graue sit, donec reuocetur ab arce Sacerdos.*

Ob. *Cur graue sit spatiumq; via, senioq; grauata
Optata mea membra diu lenire quiete?
Dum mora nil violet supremi iussa Parentis.*

Heb. *Mox aderit Rubenus; age hanc de pectore curam.
Tu nostras properato domos hunc ducere vatem.
Iamq; viam releges ad nos, laturus in urbem
Lata Sacerdoti tantarum nuntia rerum.*

V. e Ch. P. *Tantum erit: en vatem duco; iam iamq. reuortor.*

Ede-

Edenus. Heberus

Diuerbium tertium.

Ed. **D** Ebueras simulare tuum cum vate dolorem :
Sed bene quod finxi te suspirasse morantem
Vrbe Sacerdotem .

Heb. Potui simulare, viderem
Cum data perdendo regalia sceptrâ Naimo ?

Ed. Parce metu : tibi certa salus, mors certa puello
Vnde tibi mortem reris, pueroq; salutem.
Sed non ante tamen nostro prometur ab ore ,
Quam mihi vestrorum series promissa laborum ,
Eiecti cur Vrbe, tuo promatur ab ore .

Heb. Longa foret longis narranda iniuria dictis.
Multa dolor prohibet , paucis contentus abito.
Lucus erat nostræ prætentu frondis inumbrans
Posteriora domus lato spectabilis aruo ,
Ilicibus crebris, laurisq; virentibus horrens.
Area laxabat medium, media ara vetustis
Surgebat gradibus nudo manifesta sub axe ;
Amphitheatrali quam circumfusa corona
Cingebat pinus cælo se plurima tollens .
Extremum sylvæ non alta riuulus vnda ,

(Ma-

(Maestandas pecudes quo mersauere Leuitæ,) dsh
 Lambit, & à nostris regales abripit hortos.
 Hic sacra thuricremas dum turba litaret ad aras,
 En vigilum Princeps regalibus actus ab hortis
 Turbidus, ingentiq; Syrûm comitante caterua,
 Ingreditur Tarchon, coniurataq; virûm vi
 Proruit extinctis euerfa altaria flammis.
 Turba Leuitarum temeratum numen, inermes,
 Quando aliud nequeunt, lacrymis fleuere profusis.
 Haud æquis tamen hæc animis tolerare Nabalus:
 Sed sceleris pœnas alta sub mente volutat.
 Ille sub extremæ conuerso cardine noctis,
 Pallida dum dubia languerent sydera luce,
 Prostratos aræ vigil instaurabat honores,
 Craстина venturæ reparans solemnia pompæ:
 Cum procul haud vlllo collisas flamine frondes
 Audijt, & suspensa leui vestigia gressu
 Librantem, ac notos Tarchontis vidit amiētus.
 Tum dolor irarum torrenti excanduit æstu.
 Protinus astantem sacris de more bipennem
 Abripit, & aënsos per sentes luce maligna
 Pone subit tacitus, pressoque per occiput ictu
 Occupat incumbens: illum prosternit humi nex
 Extremis gemitum singultibus expirantem.
 Ed. I nunc, & fastu sacris illude superbo.

D

Heu,

Heb. *Heu, nobis vultu illudit fortuna doloſo .*
Namq; per obſcuros traiecto lumine calles
Cynthia proſtratum radiata fronte Meſalpum.
Prodidit, hæredem ſceptri, prolemq; Tyranni
Vnigenam .

Ed. *Heu caſus ! heu cæca volumina rerum !*
Qui Tarchontea deluſit lumina veſte ?

Heb. *Accipe quæ interpres curarum fida Meſalpi*
Narrauit vates . Cæco ſuccenſus amore
Virginis (externis quam ſæpe petitam hymenæis
Abnuerat prudens Rubeni cura parentis)
Tabificum iuuenis verſabat in offibus ignem .
Huic conſulta necem ſtygia prædixerat arte
Saga Paphi . notos ſed virginis ille penates
Flammarum impatiens per amica ſilentia noctis
Solus inire parat . vatiſq; ut falleret artes ,
Et vigilum excubias, ſpolijs Tarchontis amicis ,
Nescius euerſorem aræ, ſe ſe abdit ; ab hoſte ,
Si quis erat , tutum mendaci ratus amictu .
Atque illum inceſtos adeuntem nocte furores
Ignarus fictum ferro Tarchonta Leuites
Diffidit .

Ed. *Inceſti pœnas expendit amoris .*
Dum lethum auertit , fallaci accerſit amictu .

Heb. *Interea genitum ſamularis turba cadentis .*

Acci-

*Accipit, & vocem per frondea tecta secuti
Exanguem ex animo similem videre Nabalum.
Tum verò ardentes mixto rapit ira dolore
Vna omnes, vnumq; omnes vno ore Leuitam
Vulneris authorem conclamant: gesta canentem
Pluribus, impacto geminantes ense, trucidant.
Sternitur: amborum miscetur sanguine sanguis.
Tu patris amentes iras, auleq; tumultus,
Tu matris lacrymas, & femineos ululatus
Tecum agita: motam miscetur fama per urbem.*

*Ed. Fors pater astripotens orbavit prole Tyrannum,
Vt tibi flectende regni mandentur habena,
Ante tamen propera sublato morte Naimo.
Sed fare: in fontis cæde exaturata Leuitæ
Ira remolliuit flammato corde Tyranni?*

*Heb. Tantorum stirpem, irritatoremq; malorum
Tarchontem informis damnauit funere lethi.*

*„ Ed. Discite cælicolas non temnere. numinis hostis
Ignoti læso pœnas pro numine poscit.*

*Heb. Mox genus in nostrum (patrius præcordia tantum
Extimulare dolor) odijs exarsit iniquis.
Vidisses: at plura nequit mens ægra dolore,
Deniq; in has sylvas, atq; hæc in lustra ferarum
Sacra, Sacerdotem tota cum stirpe relegat.*

Sat. Sat mihi, promissisq; datum, sat prima malorum

2 D Causa

*Causa patet, casusq; tui; exiliumq; tuorum.
Sed vix credideris quam non leuia inde trahantur
Consilijs momenta meis, quantumq; iuuamen.*

Heb. *Pande dolos.*

Ed. *Mens vlla malo si credere discit,
Præteritos memorans casus mea verba minister
Regius haud spernet venturæ nuntia cladis.*

„ Heb. *Pande, inquam, quid corde premas: quæ gratia tarda est*

„ *Gratia non grata est.*

„ Ed. *Quæ multum, ac sæpe cupita est*

„ *Gratia grata magis. Sed mentem aduerte loquenti.*

Pollicitus Vati vicinam callidus urbem

Ingrediar, nostrum simulans me quærere mystam,

Conspicuaq; fores syrii Regnantis adibo.

Cumq; introgresso dabitur mihi copia fandi,

Nostra peregrinum subiisse mapalia vatem

Effabor, qui chrisma canat regale Naimo

Deberi, vt simulac (num rite audita recordor?)

Act. 2. „ *Vt simul ac olim plenis adoleuerit annis*

Di. 2.

„ *Rex Auranitica protrudat ab Vrbe Tyrannum.*

Heb. *Dicta memor retines; ast hinc quæ damna puello?*

Ed. *Damna rogas? lethum: vix se regnante Tyrannus*

Audierit quemquam dignari nomine Regis,

Ilicet occulta mandabit cæde necandum.

O mihi

SECUNDVS.

51

- Heb. *O mihi natalis dum funera sœua puello
Lux ferat hæc i animus tantum sperare veretur.
Quæ tantis quæ digna fides erit addita rebus?*
- Ed. *Digna fides odium, quo teq; tuosq; Tyrannus
„ Insequitur: tum firma fides fit fœdere firmo:
Telluremq; fretumq; & sydera conscia veri
Testabor iurans, & nomina Numinis alti.
„ Exitus acta probat; quid ni mea dicta probarit?
Mittantur, vatis qui certa ex ore reportent.
Quid moror? an Regi vix natum perdere natum
Tantæ molis erit? non hoc se regia primum
Innocuo imbutam satiauerit ira cruore.*
- Heb. *Forte Sacerdoti quid si fraus nostra pate scat?*
- Ed. *Scilicet: an, nostrum neutro prodente, pate scat?*
- Heb. *Egregio stant cuncta loco: pulcherrima fraudis
Annexa est series: iamq; ad tua verba reuixi.
En age, carpe viam; sed te reuocare memento
Pernici reditu, ne sit mora longa Prophetæ.*
- Ed. *Me rediisse puta: brevis hinc via ducit in urbem.*
- Heb. *Ipse domi Vatem verborum ambage morabor.*



D 3

Ch. PP.

*Varia me-
trorum species
in seq. Di-
uerb. Salt.
& Canticis
vide in No-
tis.*

Ch. PP. Ch. Satyriscorum. Faunus. Satyrus.

Diuerbium quartum.

V. e Ch. P.

EN gradu erranti, & capite nutanti,
Satyriscorum comitante grege,
Profiliunt cornipedes lymphati.

V. e Ch. S.

Immo merati egregie.

Faun.

Miscetur cælo tellus: ecquid, satyre,
Omnia in antiquum sunt reditura chaos?

Sa.

Mi geminantur omnia,
Et nouus orbis oritur.

Tu quoq; iam non vnus es.

Vter es horum, Faune? —

Fau.

Haud vter, faunus sum.

Sat.

Ten' tango? —

Fau.

I in crucem: mihi lumina
Impactis vnguibus prope excussisti.

V. e Ch. P.

Bacchantur —

V. e Ch. S.

Quin bacchati sunt doliolo.

Fau.

En cælum panditur: en astra video.

V. e Ch. P.

Cratera sydus aspicias?

Sat.

Insiste gradu, faune: caue corruas,
Nam rapida vertigine

Cir-

SECVNDVS.

53

Circum rotantur omnia.

V. c. Ch. S. *Sed nempe tuum caput primum mobile est.*

Sat. *Nos quoq; satyris, pantomimicis
Circumrotemur concinentes saltibus.*

Saltatio Pantomimica prima.

- Ch. Sa. 1 *Age pernix in numerum cohors*
2 *Simulato ruricolae*
3 *Gestu redde labores.*
4 *Pede ligonem ter, quater premente,*
5 *Impacto pronus sarculo;*
6 *Curuo nitere aratro*
7 *Resupinas vertere glebas.*
8 *Expansa crede dextera fecundis*
9 *Cerealia semina sulcis.*
10 *Falcibus attenuans*
11 *Frondentes arbore ramos,*
12 *Opacas umbras contrahe.*
13 *Fecundos stringe palmites.*
14 *Vndantis campo segetis,*
15 *Fragiles succide calamos.*
16 *Adductis viridantia*
17 *Attonde prata falcibus.*
18 *Crepitet ceres trita flagellis,*
D 4 19 Tun-

- 19 *Tunsa tonet area.*
 20 *Querna quate brachia,*
 21 *Flauentes decute glandes.*
 22 *Carpe poma, quæ demissis*
 23 *Sponte donat arbor frondibus.*
 24 *Musta pleno*
 25 *Spumantia lacu*
 26 *Alterna supprime planta.*

Diuerbium secundum.

- Sat. 1 *Adolescentiemur. —*
 Fau. *Vitulemur.*
 Sat. 2 *Gallemus. —*
 Fau. *Carinemus.*
 Sat. 3 *O ubi tympana*
 4 *Crepericrepantia!*
 Fau. 5 *O ubi cornua*
 6 *Tremibomborauca!*
 Sat. *Agite concrepemus occurrentibus*
Thyrsis alterna, & cornibus.
 V.e Ch.P. *Nos accinentes occinamus ludicro.*

Can-

Canticum primum.

- Ch.P. » *Latice quisquis madet Iacchi*
 » *Paria patitur dementato.*
 » *Furit vterq; breuius alter.*
 » *Breuis amentia fit temulentia:*
 » *Longa ebrietas est amentia.*
 » *Ignea torua lumina fronte*
 » *Nutant amenti, natant ebrio.*
 » *Labor vtriq; ludus, & chòrea.*
 » *Vtraq; iactat iurgia lingua:*
 » *Pallidus horror occupat ora:*
 » *Errat cursu gradus incerto:*
 » *Colla labascunt, crura tremiscunt,*
 » *Corporis pariter, mentis & impos,*
 » *Latice quisquis madet Iacchi.*

*Huius can-
tici, & se-
quentium
secundi, ac
tertij quod
metrum sit,
vide in No-
tis.*

Diuerbium sextum.

Fau. *Agite pantomimicis*
Circumrotemur saltibus.

Sal-

Saltatio Pantomimica secunda.

- Ch. Sa. 1 *Innumeras rerum facies*
 2 *Subeuntem finge Prothea.*
 3 *Suspensò gradu timidus*
 4 *Crebra respectans gradere.*
 5 *Manuum compectinatio,*
 6 *Et miseranda capitis*
 7 *Et hinc, & inde inflexio*
 8 *Mærentem prodat animum.*
 9 *Quid crebra frontem*
 10 *Ruga sulcat?*
 11 *Quid se se pandunt brachia?*
 12 *Elati, ore presso, supercilijs*
 13 *Quid admirare tacitus?*
 14 *Nutet ceruix*
 15 *Languenti marcida sommo.*

Diuerbium septimum.

- Sat. 1 *Da qui fiam vertice*
 2 *Pampinocorymbigerante.*
 Fa. 3 *Da qui fiam dextera*
 4 *Tibiosistricymbalòcrepa.*

Sal.

Saltatio Pantomimica tertia.

- Ch. Sa. 1 *Infere te medium,*
 2 *Simula, satyre,*
 3 *Longicrurem Gruum regulum.*
 4 *Te circum vigiles*
 5 *Agitabimus excubias,*
 6 *Simulataq; munia belli.*
 7 *Agite dum strenui*
 8 *Infestos intendite thyrsos.*
 9 *Vrge leuum*
 10 *Anfato latus brachio:*
 11 *Haſta dextrum premat humerum:*
 12 *Librato lente gradu incede tumidus.*
 13 *Circumſpice, procul arduus*
 14 *Hostiles ſpeculare dolos.*
 15 *A'era multiplex*
 16 *Verberet iſtus.*
 17 *Heus, quis ades? procul apage.*
 18 *Ice, tunde, cede, maſta.*
 19 *Nobis, incolumi rege,*
 20 *Annuat victoria.*

Di-

Diuerbium octauum.

Fa. *Agite concrepemus
Thyrsis alterna, & cornibus.*

V.e Ch.P. *Nos accinentes occinamus ludicro.*

Canticum secundum.

Ch.P. » *Mens ingesto mersa lyæo*
 » *Fluctuat nullo firma magistro:*
 » *Nunc audacibus tumida cæptis,*
 » *Nunc tremantibus timida curis.*
 » *Qualis insano pinus Aegæo*
 » *Rapidis miser ludus Etesijs*
 » *Latera vastis tunsa procellis,*
 » *Laceris fluitat naufraga velis.*
 » *Nunc violentis rapta Aquilonibus*
 » *Ardua vitrei vertice montis*
 » *Astra laceffit; nunc sinuoso*
 » *Haustra baràthro, valle liquenti*
 » *Stygios Orci despicit ignes.*
 » *Agitur celeri turbine circum*
 » *Sui incerta, certa pericli;*
 » *Donec æquoreus obluētantem*
 » *Obruat æstus.*

Agite

Diuerbium nonum.

Sa. *Agite pantomimicis*
Circumrotemur saltibus

Saltatio Pantomimica quarta.

- Ch. Sa. 1 *Irarum saucius æstro,*
2 *Flammeo toruus lumine,*
3 *Minitare dextera;*
4 *Calce solum tundito.*
5 *Urgeat humeros*
6 *Curua senectus:*
7 *Membra leuet scipio.*
8 *Crura ad numeros*
9 *Claudicantia*
10 *Arfin, thesin prouocent.*
11 *Flexile corpus tacite loquentes*
12 *In literas effingito.*
13 *Muto gestu nutuum*
14 *Arcana mentis promito.*

Di-

Diuerbium decimum.

- Sat. 1 *Nequis me tangat porcœo,*
 2 *Nam torua conisco.*
 Fa. 3 *At ego minitabiliter*
 4 *Fulgurio.*

Saltatio Pantomimica quinta.

- Ch. Sa. 1 *Infere te medium,*
 2 *Simula subdolam,*
 3 *Faune, versatili*
 4 *Ceruice noctuam.*
 5 *Nos tibi infensas interim*
 6 *Aemulabimur alites.*
 7 *Ictum caue, vertere*
 8 *Rapidi more turbinis.*
 9 *Cecidi, gradum refero, circumagor*
 10 *Rapidi more turbinis.*
 11 *Accedo rursus, irritum*
 12 *Elusit ictum prouida*
 13 *Ceruicis inclinatio.*
 14 *Ille caput, hic humeros,*
 15 *Ille ceruices impetit.*

16 Ac-

SECVNDVS.

61

- 16 *Accede, retrocede, pete, repete:*
- 17 *Subdola subdola*
- 18 *Ars eluditur arte.*
- 19 *Versetur omnes pariter*
- 20 *Rapidi more turbinis.*

Diuerbium vndecimum.

Sat. *Agite concrepemus*
Thyrsis alterna, & cornibus.

V.e Ch.P. *Nos accinentes occinamus ludicro.*

Canticum tertium.

Ch.P. » *Flauus vitrea Bacchus in patera*
 » *Aureo blandum radiat ore.*
 » *Latet in croceo flamma liquore:*
 » *Proditur croceo flamma colore.*
 » *Tacita siren illice forma*
 » *Prouocat haustum:*
 » *Animus aureo mergitur haustu,*
 » *Rapitur æstu.*
 » *Namq; per imas fusa medullas*
 » *Placida pestis furit, & impotens*
 » *Sæuit; undanti velut aheno*

Spu-

- » *Spumeus alte exuberat ardor,*
 » *Seque euoluit murmur aquai:*
 » *Magno stridet pruna sonore.*
 » *Hæret Baccho comes Erinnyes.*
 » *Temperent gelidæ pocula lymphæ.*

Diuerbium duodecimum.

Sat. *Heus, ecquid hoc? cecutio.*

Fau. *Et mihi nigra nox inuoluit oculos.*

V.c Ch.P. *En partus temulentie.*



Gel-

SECVNDVS.

63

Gelbeus, Ch. PP. Faunus, Baalus canis, siue
Pastor sub forma villosi canis, Satyrus.

Diuerbium decimumtertium.

Gel. **E** Ia age, Baal, age, Baal, impete
Hircipedes cornigeros.
Ipse subibo specum.

Quoties
punctorum
series, to-
ties fingēda
vox Caris,
ut cum me-
tris consen-
tiat.

Ba. —

V.e Ch. P. Ha, Ha, perniciter
Ut fuga satyris euanescere.

Ba. —

Sa. Caue canem: hinc exili.

Fau. Clementer quæso —

Ba. —

Fau. Calces obteris.

Ba. —

Sa. Mî canis calces adpetit.

Ba. —

Fau. Hei pæne denasatus
Sum miser, hanc in arborem
Tam grauitè impegit.

Gel. Ha, ha, ha, ha. —

Ba.

E

Vrge

V.e Ch.P. *Vrge Caper. —*

Sa. *Hu, hu, cornua*

Contrinui hac rupe, & cranium.

Gel. *Ha, Ha, Ha, Ha, —*

Ba. ,

Sa. *Hinc iam sis, canis, apage —*

Ba.

Sat. *In malam rem. —*

Ba.

Sat. *Si morfu me petiueris, —*

Ba.

Sat. *Hoc calce repetitus —*

Ba. ,

Sat. *Pro dente feres ungulam. —*

Ba.

Sat. *Heus, Faune —*

Ch.PP. *Fugit. —*

Sat. *Qua? —*

Ba. .. —

Ch.P. *Ad dexteram.*

Ba. .. —

Sat. *Eo. —*

Ch.P. *Heus həcijt. —*

Sa. *Redeo.*

Ba. .. —

Ad

Ch.P. *Ad dexteram inquam.*

Gel. *Ha, ha, ha.* -

Sat. *An non dextera hæc?*

Ba. —

Ch. *Istac, viden?* -

Sat. *En accedo:*

Ba. .. —

Ch. *Illac.* -

Sat. *Malum: hac, istac, illac; iterum*

Hac mala male offendi. -

Gel. *Ha, ha, ha.* -

Ba.

.. .. .

Sat. *Scelesti luditis; quâ licet abeo.*

Ba.

Gel. *Ehem, Baale; ehem, Baale; iam sat est.*

Huc ades, mi villose, huc ades, strenue.

Meminerint opinor tui in posterum

Semiferi capripedes.

Vrgere non absistam caprifemores

Ereptum donec vasculum reddiderint.

Heberus, Raguelus.

Soluerbium primum.

Heb. **T**Ene, inuise puer, regno, sacrisq; potiri?
 Dumq. aras conor tibi demere, sceptrap arari?
 In scyllam inciderim cupiens vitare charybdim?
 Haud quaquam: nec victa iacent odia aspera nostri
 Pectoris: experiar scelerisue, doline quod usquam est.
 Discrucior. —

Diuerbium decimumquartum.

Rag. Tacito tecum quid pectore versas?
 Cur tibi trux facies? patrem quid torua tueris?
 Anne etiam inuidiae stimulis agitabere amaris
 Tu solus, dum lata domus, dum funditus omnis
 Sacrorum spes eripitur?

Heb. Dolor inde grauescit.

„ Rag. Irritus est expes mæror. non sapius istuc,
 Liuoris dum colla iugo laxare monebam?
 Expertus præbeto fidem. quid profuit olim
 Te ciuem ingenuas didicisse fideliter artes,
 „ Si nondum hoc hæsit: multo grauiora suorum
 „ Inuidiam perferre, alijs quam inferre malorum?

„ Qua-

- „ Qualis.n.libani frondosa cacumine Cedrus
 „ Nuper subiecti despectans aquora campi
 „ Fæcunda frondis late ostentabat honores ;
 „ Nullus quam Pastor, nullus non visit arator :
 „ Si mala radici, teneræue innata medullæ
 „ Tinea succrescat, nec inertis cura coloni
 „ Excutiat virus, nutricem pascitur ipsam ;
 „ Lapsa cadunt folia, arentes languentia ramos
 „ Pomaq; destituunt : deuexo pondere donec
 „ Ad terram fluit ingenti prostrata ruina .
 „ Nullus eam Pastor, nullus non fleuit arator .
 „ Talis inoffensa nuper qui mente virebat ,
 „ Et pubescentis florebat vere iuuentæ ,
 „ Huc si vipeream præcordia ad intima pestem
 „ Subdolus inspiret liuor, foueatq; venenum
 „ Infelix, alimenta suo fert ipse furori ,
 „ Nec pote speratos virtutum promere fætus.
 „ Pallefcit vultus, liuescunt lumina, pectus
 „ Vritur, & sensim sine sensu tabe peresus
 „ Non minus, inuisos quam carpit, carpitur ipse .
 Heb. Esto : iuuat carpi, carpatur vt ipse puellus .
 Rag. Ipse tuæ, si non pueri, miseresce iuuentæ .
 Heb. Non miserebor, erit dum non miserabilis ille .
 Rag. Nate malum, ne tu forte premare, preme .
 „ Heb. Sopitur vulgare malum ; me grande fatigat .

- „ Rag. *Quod nequijt ratio, mutet mutabile tempus.*
- „ Heb. *Tempore fit grauius regnat cum pectore virus.*
- „ Rag. *Effrenes animos virtus generosa retundit.*
- „ Heb. *Sed non, immota liuor cum fronte repugnat.*
- „ Rag. *Sanari voluisse fuit pars magna salutis.*
- Heb. *Sanari nequeo velle, nequire volo.*
- Rag. *Te deiecerunt sana de mente dolores.*
- Heb. *Percipere nullo infana mente dolores.*
- Rag. *Flectere num speras te posse oracula Diuum?*
- „ Heb. *Nil desperarit cui nil sperare licebit.*
- „ Rag. *Sortiri nequeunt letos cæpta impia fines.*
- Heb. *Sæpe dies phæbum, nigro quem vidit eoo*
Surgentem, aspexit multa cum luce cadentem.
- Rag. *Cede tamen pueri cognato sanguine victus.*
- Heb. *Cesserit ille prius sacrorum insignia nobis.*
- Rag. *Te meminisse decet deberi lege Naimo.*
- Heb. *Deuiq; vera, pater, memoras; ast iuuida cogit*
Mens peiora sequi, pectus pulsante dolore.
Non secus aduerso nitent em flumine nautam
Precipitem rapit unda: cadit labor irritus artis.
- Rag. *Mens incerta labat: dignas expendere pænas*
Fas fuit obnixum tam dura fronte parenti;
Sed me frangit amor. quæ pæna decentior illum
Vrgeat? Inuideat: non inuenere Tyranni
Tormentum crudele magis: sibi viuat Erinny.
Se

2 SECVNDVS.

69

*Se laceret lior : quid contra oracula possit ?
Nate , Vale : miserande , tuo te trado dolori .
Torquendum .*

Soliuerbium secundum.

Heb. *Quid ni ? tanti est ; modo causa doloris
Disperat puer : huic inuisam excindere vitam
Stat fixum , stat fixum inquam ; vis nulla reuellet .*



E 4

CHO-

CHORI
PASTORVM

Saltatio secunda.

*Leniore furens ira
Ceca raptat nubila
Sæuus Auster,
Stridula quatit brachia sylvæ.
Mitius campo victor aperto
Tumens amnis
Rupto ruit aggere,
Et spumanti mugit unda;*

*Iuvenile quam liuoris
Pectus æstro percitum
Sæuit, ardet,
Proterit ausu iura nefasto.
Tristia leto prospicit ore,
Leta tristi.
Ora color deserit,
Mæsta vorat corda calor.*

Forte

*Forte graui sed camæna
Immerentem premimus.
An puello
Studio Pastor fauet amico?
Pallet Heberus? pallet amore.
Ima sensim
Concoquit præcordia
Fax amoris, non liuoris.*

*Sed dolosa nos fefellit
Dira lues facie.
Corde latens
Liuida produnt ora venenum.
Subdolus alte latet ut anguis!
Ecquis apte
Tela vitet liuida?
Subit liuor ora amoris.*



AC-

ACTVS TERTIVS

A G G Æ V S

Soliuerbium primum.

INterea leto mulcens mea pectora cantu
Hic turbam opperiar venatibus arma parantem.

Canticum primum.

*Linidus incertos venetur frater honores:
Sectari me lustra iuuat, saltusq; ferarum.
Illum mordaces curæq; iræq; flagellent:
Me nemora, & vario florentes gramine colles
Accipiant, gelidæq; cauis in vallibus umbra.
Fortunata dies, patriæ qua finibus exul
Ciuitica iucundis mutauit mœnia syluis.
Tum mihi tranquilla decerpere gaudia vitæ,
Curarumq; graues licuit fregisse catenas,
Quæis & auarities, & honorum inhonestæ cupid.
Captiuam speciosa trahunt in vincula turbam.
„ Quid iuuat ingenti cumulata labore supellex,
„ Si curæ ingeminant, inopes si copia reddit,
„ Et mens in rebus misere tabescit opimis?
„ Quid*

„ Quid iuuat optati conscendere culmen honoris,
 „ Si casu grauiore ruunt quos ardua sedes
 „ Voluit, & àèriæ quatiuntur fulmine turres?
 O nos felices syluæ, rurisq; coloni!
 Panperies opulenta quibus sua dona ministrat,
 Ambitione procul, sæuaq; cupidine fraudum,
 Ni fera si quando est laqueis fallenda dolosis.
 Pastori certant aer, mare, sydera, tellus
 Fundere quidquid opum naturæ amplectitur orbis.
 Sol aurum, radijs argentum luna coruscis,
 Terra dapes, mel apes, grauidi poma aurea rami,
 Vbera lactis oues, gutture carmen aues,
 Murmur aquæ, vitis gemmas, leuis aura susurros,
 Et matutinum manna ferunt folia.
 Dant chòreas leni commoti flamine flores,
 Et fugientem auram flexa ceruice salutant,
 Ipse suas dum mulcet oues in gramine leto,
 Agresti tenerum modulatus arundine carmen.
 Vt lubet, auratum pulchra testudine limen
 Rex terat, elata cui stipet sede sedenti
 Hinc, atq; hinc latera accinctus multo ense satelles:
 Bella canat, partosq; ferat super astra triumphos.
 Nobis pugna feræ, hostis aper, fera classica cornu,
 Sunt caueæ carcer, pro densò retia vallo,
 Miles inardescens acres, vis fida, Molossi;

Pro

*Pro populo viridem prætexens populus amnem ,
Aut assultantes teneris cum matribus agni ;
Regia sceptræ Pedum : gemmatum sydera tectum ,
Dant picturatos celorum mœnia muros ,
Illita dum radijs Tithonia matutinis
Mille trahit varios, Phæbo pingente, colores.
Marmoreum non terra solum, picto sue lapillos ,
Sed calcanda parat terreni sydera celi ,
Et collucentes per roscida gramina gemmas .
Nec desunt quæ saxa modos iterantia partes
Assentantis agant, non ut gens aulica turpi
Fallere docta dolo, sed veras reddere voces .*



AG-

TERTIVS.

75

Aggæus,

Echo.

Diuerbium primum.

DIc age (quandoquidem contenta voce laceſſo)

O vox, quæ colles, vicinumq. incolis antrum,

Quem reris, cui cura vda per pascua vallis

Lanigerum ductare gregem?

Ech. Regem.

Agg. Antra ferarum,

Quidue putas caulas?

Ech. Aulas.

Agg. Quid prisca virorum

Ante ætas gessit, quam regna parauit?

Ech. Arauit.

Agg. Regna metebat agris: quid mi contendere suades

Pectora ne sensus diuexet amarus?

Ech. Amarus.

Agg. Corda quis accipiet ruri fluitantia portus?

Ech. Hortus.

Agg. Ciuiles non mens tranquilla quiescet

Si repetam terras?

Ech. Erras.

Agg. Vin' ergo frequentes

Effugiam plateas?

Ech. Lateas.

Agg. Florentibus annis

Quid mihi ni in senitū nūmorū vener acervos?

Ech. Cernuos.

Agg. Mi ne igitur iuueniq. seniq. carendum

Di-

Diuitijs?

Ech. *Vitijs.*

Agg. *Vitiosa alimenta iuuenta*

Sufficit, & vitæ num causa pecunia diræ?

Ech. *Iræ.*

Agg. *Quam miserum pretiosis cernere rixis*

Vnanimis ardere domos!

Ech. *O mos!*

„ Agg. *Quid optimis*

„ *Impendet mensis?*

„ Ech. *Ensis.*

„ Agg. *Num diuitis vllum*

„ *Pectus, quod nullo pacatum fluctuat æstu*

„ *Curarum?*

„ Ech. *Rarum.*

Agg. *Quos tanta incommoda passos*

Rebimur esse viros?

Ech. *Iros.*

Agg. „ *Opulentia fallax,*

„ *Oet opes inopes, cuncta chimæra!*

„ Ech. *Mera.*


Agg. „ *O mala quæ bona sunt mortalia!*

Ech. *Talia.*

Agg. *Præstat*

Exercens durum vita nouale.

Ech. *Vale.*



Ag-

Aggæus, Orebus, Chorus venatorum.

Diuerbium secundum.

Agg. **E**N comites: rauco strepuerunt cornua cantu.
*Heus tam serus ades? iam te dum demoror, annus
 Labitur, o segnis.*

Oreb. *Dum se venatibus aptat
 Turba, Moabus adest. vocat in certamina cantus.
 Vici equidem; sed sera tamen victoria nostrum
 Distulit accessum.*

Agg. *Cantando vincere quemquam
 Tu ne queas, admota rudi cui fistula labro
 Non semel vlla fuit?*

Oreb. *Non semel vlla fuit?
 Ergo animus tentare tibi est, ac ponere pignus?*

Agg. *Est animus tentare mihi, est & ponere pignus.
 Pars vestrum interea vicinas cingito sylvas.*

Ore. *Pono arcum, magnis quem nisibus incuruata
 Vix effinxerunt annosi cornua cerui.
 Hem capita ut solido perfecta nitent elephanto.*

Agg. *At nos hoc cornu, quo non præstantius ullum
 Rauci sono terrore, feras agitare, virosq.
 Aureus extremas en ambit circulus oras,*

Et

Et triplici argentum suspendit flexile nexu.

Tu nostræ senior iudex accede Camæna.

Vn. Ch. V. *Irrita præcipio, me iudice, pignora sunt.*

Sat, si digna ferat, victori, præmia laudum.

Tu prior incipies, Aggæ, sequeris, Orebe.

*Quæ species
metrorum
vidi in
Notis.*

Canticum secundum.

Ch. Ve. *Dicite, Pastores, alternum dicite carmen.*

Agg. *Prona flores audituri,
Vide, curuant capita.*

Ede loquacibus

Sibila buxis.

Oreb. *En Meandris auditurus*

Semoratur rinulus.

Adde sonantibus

Carmina nervis.

Agg. *Pastores, o Pastores,*

Qui cantui fauetis

Meo, si me fauetis,

Si queritis honores

Veris, et nitidum diu serenum;

Me petite, cui gratiæ dedere

In corde ver, in ore mel habere.

TERTIVS.

79

Oreb.] *Pastores, o Pastores,*
Qui pluuiam timetis,
Cum nubila videtis,
Qui fugitis horrores
Hyemis, gelidam noctu pruinam;
Me fugite, me fugite, qui mæsto
Hyemem corde, nubes ore gesto.

Ch.Ve. *Pergite flos Pastorum,*
Certamen hoc sonorum.

Agg. *Bis quæ voces, Nympha, canis*
Iterato murmure,
Quibus artibus amica
Comparentur pectora
Effare cum clamore.

Echo. *Amore, more.*

Oreb. *Vox, quæ lates, lympa cadit*
Quà muscoso marmore,
Quibus artibus amica
Comparentur pectora
Effer: an solo amore,
Et more? --

Echo. *Ore, re.*

Ch.Ve. *Pergite, flos Pastorum,*
Certamen hoc sonorum.

F

Sol.

- Agg. *Soluere primæ uam primus diuina parentem*
Iussa draco docuit: credula prima parens.
Credula tu mater magis, an draco subdolus ille?
Subdolus ille draco, credula prima parens.
- Oreb. *Liur edax docuit fraterno sanguine fratrem*
Conscelerare manus: sauius uterq; fuit.
Sauior an liur, frater magis impius ille?
Impius ille, tamen sauius uterq; fuit.
- Ch.Ve. *Pergite, Pastores, alternum pergite carmen.*
- Agg. *Serpens iuuenta nitidus*
In curua reuolutus
Se dorſa iaculatur,
Arcus, & idem iaculum.
- Oreb. *Serpens iuuenta nitidus*
Volubilibus orbibus
Se subrotat, vehitque,
Auriga, currus idem.
- Agg. *Trahit meandros anguis.*
- Oreb. *Trahit meandros amnis.*
- Agg. *An anguis amnis squammeus?*
- Oreb. *An amnis anguis liquidus?*
- Ch.Ve. *Mittite, flos Pastorum,*
Certamen hoc sonorum.
- Agg. *Candidior cycno, rapidis velocior Euris,*
Robore Getuloni concessure leoni,

No-

TERTIVS.

81

*Noster amor Ledan, vis o mea, prospice, Ledan,
Ne ferus incauto lupo insidietur ouili.*

*Oreb. Frontis ebur geminans, argentea vellera gestans,
Poma sub albenti demittens lactea ventre,
Capra, mei spes una gregis, vitare memento
Si qua graues fuerint ledentia pabula fœtas.*

Ch.Ve. Sistite, Pastores, alternum sistite carmen.

Diuerbium tertium.

*Vn.e C.V. Haud facile est nobis tantas componere lites.
Este pares: vos quando pares & gloria syluæ,
Et decor, & pulcro sociauit flore iuuenta.*

Agg. Vicinus inuicti: vos hinc præcurrite: rau: rau.



F 2 Gel

Gelbeus, Satyrus.

Soluerbium secundum.

Gel. **S**I belle dolus cesserit, restituet
 Dolus doliolum.
 His interim in faucibus has pedicas
 Furtiuè trunco huiusce annectam arboris.
 O si se mihi nunc offerret satyrus?
 At ecce cum laguncula.
 Quam mihi tempestine se dat obuium!

Diuerbium quartum.

Sat. *Ehem, scelestè. —*
 Gel. *Hei. —*
 Sat. *Morere. —*
 Gel. *En morior. —*
 Sat. *Heus, ohe, sta. —*
 Gel. *Iam èccidi,*
 Nil audio. —
 Sat. *Ne labere. —*
 Gel. *Nil audio.*
 Sat. *Sta inquam. —*

Iu-

Gel. *Iubes? Audio.*

Et redit vita exanimi.

Sat. *Tun' ausus es, ò furci fer,*

Immissis nuper canibus,

Turbasciere in me, meosq; socios,

Et malus malis modis lufos agere?

Gel. *Men' ausum tibi illudere,*

Cuius verenda species

Ad se se honorem vel inuitum prouocat?

Sat. *Quid igitur gerebas hic negotij?*

Gel. *Quæsitum veneram meam lagunculam.*

Sat. *En, hæccine est? ---*

Gel. *Est istæ. sic sufficient*

Et potum vitis tibi, & sylvæ pabula,

Huc redde mi lagunculam.

Sat. *Vah. ---*

Gel. *Quid, ah quid caprinos hosce ocellulos*

Auertis? an exanimis ut concidam?

Sat sit negasse ænophorum,

Aspectum ne negaueris,

Ne protinus hic moriar.

His ex ocellulis

Ceu geminis è fenestellis Gratia

Prospectant, se se dedant ut præcipites.

Quid solis in ocellis laudes demoror?

F 3

To-

*Totum venustas suis ipsa manibus
Te finxit, & has vitæ in oras extulit.*

O, faciem luteolam!

O, robori ferendo pares humeros!

Non desit fronte, ac pedibus

Praelarga cornu copia.

Qui tanti talem genuere parentes?

Num fuit ille caper?

Num fuit illa capra?

Auertis adhuc lumina?

Tantæ ne animis sylvestribus iræ?

Ah sine te exorari er

O nostri Pan - spermia, & chaos seculi.

Sat. *Quid pan spermia, quidue chaos blateras?*

Men' laudas, an illudis?

Gel. *Veras, merasq; laudes in te confero,*

O satyrisce meus, quo non satyri scior alter.

Sat. *En sino me exorari er:*

En ad te vorto lumina;

Auorto tamen vasculum.

Gel. *Tuos aureolos mi reddis oculos,*

Et vile negas vasculum?

Ah redde mi & doliolum.

Sat. *Et ego, ut tute nuper, nihil audio.*

Gel. *Ah redde.---*

Nihil

TERTIVS.

85

Sat. *Nihil audio.*

Gel. *Audi, mea voluptas, mea amœnitas,
Meus ocellulus, meum labellulum,
Meum suaviū, meum delīcium,
Et redde mī doliolum.---*

Sa. *Nil audio.*

Gel. *Tenelle turturille,
Nitidule columbule,
Bellatule passercule,
Mollicule caseole,
Alueole nectaree,
Mellitulum doliolum,
Da mī, da mī doliolum.*

Sat. *Si tantum verba dederis,
Lagenam non expresseris.*

Gel. *Addam & verbis munera.--*

Sat. *Quæ munera?*

Gel. *Est hac in pera nectar mihi ambrosium,
Quod si odoratus fueris,
Totum te fieri nasum rogaueris.
Quod si primore linguula
Pauxillum attentaueris,
Totum te fieri linguam rogaueris.*

Sat. *Exprome nectar protinus.*

Gel. *At audi: est aura tēnuis.*

F 4 Ni

*Ni tibi dum in ora bolos infero,
Admittas hos in os oclusis penitus
Et oculis, & naribus;
Ex oculis, e naribus
In tenues expirent auras ocyus.*

Sat. *Vt lubet: modo os pateat.*

En iam ingestis dextera

Occludit nares digitis.

Sic vero condam oculos

Compressis probe pàlpebris.

Gel. *Ni leuam his adpresseris,*

Diductis vi furtina sensim pàlpebris,

Per tenues erumpet nectar rimulàs.

Sat. *Grauatür leua ænophorq.*

Gel. *Dèpone. ---*

Sat. *Nempe vt auferas. ---*

At inter crura, vt canis caudam, oculam.

En dextra nares, leua premit oculos,

Exprome nectar protinus.

Gel. *Bau, bau, bau: caue canem. ---*

Sat. *Hui, hui, fugio.*

Gel. *Abstuli tandem vasculum.*

Sat. *Hei, hei, scelestè, imposuisti: siccina*

Impune tu me luseris?

Impune vas abstuleris?

Mox

Mox insequor, & assequar. ---

Gel. *Si quiveris.*

Sat. *Heus quis mi pedem obtinet?*

Dimitte sis. ah carnufex, men' etiam

Induxeris in pedicas?

Promissum nectar hoc cene est?

Quam blandis nuper compellabat oculis!

At quam me porro indignis modis habuit

Derisui, despectui!



SA-

Satyrus .

Soliuerbium tertium.

„ O fœta dolis assentantum pectora!
 „ Amare dum te simulant,
 „ Furtiuis hamant artibus.
 „ Auratis aucupantur opes retibus.
 „ Qui blandientes verbulorum flosculos,
 „ Qui viridantes promissorum herbulas
 „ Mellito ab ore legis, procul effuge,
 „ Sub flosculis, sub herbulis
 „ Dolosus latet coluber.
 „ Nec rose spinæ aculeus,
 „ Nec api spina aculei,
 „ Nec molli ab ore assentatorum aberunt
 „ Fallaciarum cuspides.
 „ Hoc vno non te fallent,
 „ Quod nunquam non te fallent.
 Quam feras inter satius
 Expertes doli degere,
 Quam subdolorum inhumanis hominum
 Se cœtibus inserere:
 Sed præstat hic sedentem nodos soluere.

Quam

*Quam arte innexi sunt! nil unguis peragunt.
Auxilium petendum est à dentibus.
Nec quidquam dentes explicant.
Hau, non hæc, malum, ego abrumpam vincula?
Non crebro attractu cruris, pedicàrumq;
Hanc arborem tam valide concutiam,
Vt penitus euulsa solo corruat?
Hui, hui, quid hoc? quæ nubes hæc puluerea
Offunditur in oculos?
Heus quid in caput incidit?
Pol, nidus est. an cùculi,
Qui pridem mihi, & Fauno colloquentibus
Tam importune occinuit?
O belle. vide; imposuit
Cucullum mihi cùculus.
Hem tibi, nunc euoluam nodos scilicet
Exoculatus puluere.
En pedem nodus, nidus caput implicat.
Sed quid ignauus hic captiuus demoror?
Antiquæ vires expromenda mihi sunt.
He: he: euasidentique,
Te inuito, doli o artifex.
Elata nunc te voce compellabimus,
Vt nos, si licet, licet procul audias:
Non tuis semper capiemur pedicis,*

In

In nostros olim laqueos

Et tu te cades. ---

Ech. *Ades.*

Sat. *An vox hac antro tonuit?*

Pol, latet illic furcifer.

Et necem, & sepulcrum vnà largiar.

Lustrabo penitus recessus tacitos.

Heus, hoe, prodi, prodi dum hinc, carnufex.

Nil intus est mortalium,

Sed merae silent tenebrae.

Iam haustus meri largior,

Et tenebrosus algor hic speluncæ

Laxare somno fessos artus prouocant.

In penitissimum me specus adytum,

Et altum in soporem abdam penitus.



He-

Heberus, Edenus.

Diuerbium quintum.

Heb. **I** Amne ades, o Edene?

Ed. **G**radus ter mille remensus
Non potius celeri videor per inane volatu,
Quam pede per terras?

Heb. Noram: tibi strenua mens est,
Aligeriq; pedes.

Ed. Recto compendia calle
Corripuere viam: tum me non atria longa
Distinuere mora: nouit me ad limina custos
Miles amicitiae prisco mihi fœdere vinctus,
Et faciles aditu regales præbuit aures.

Heb. Sit sane ut memoras: at nunc effare roganti:
Tam ne repentino fers nuntia digna regressu?

Ed. Quem tibi præcinui cursum tenuere secundum
Omnia; consilijs afflauit numen amicum:
Iam tibi tuta salus plenis subit ostia velis.

Heb. Vera mihi narras?

Ed. Veris mage vera putato.

Heb. Nunc equidem memini te nil ut nostra verentem
Vota secundaret regnandi dira cupido.

Ac

„ *Ac merito, nec enim patitur consortia regnum.*
 Eden. *Adde, nihil sanctum, nil tam venerabile, iustum,*
Fasue, piæque, suis quod non violauerit armis
Regnandi sceleratus amor; trepidantia nedum
Imbellis pueri dubitarit perdere membra.
Quod pereunt pecudes, viduanturq; arua colonis,
Quod syluis non ullus honos, non gratia Musæ,
Egit amor regni. Quod ius, quod fœdera, leges,
Quod meritum, virtusq; iacent, quod nulla pudoris,
Nullaq; amicitiae ratio, non sanguinis ulla est,
Egit amor Regni. surgunt bella, impia bella?
Religio obteritur? nulla est reuerentia cælo?
Regnaq; nepereant perdunt se, regnaq; reges?
Egit amor regni. Dirum, exitiabile monstrum,
Centenas aures, centenaq; lumina, centum
Gestans immenso porrectas agmine dextras.
Innumerae scelerum facies huic dira propago;
Curaeq; insidiaq; , timor, vis, ira, minæq; ,
Suspicio, cædes, audacia cæca, furores,
Furtaq; proditio, simulataq; verba, rapinae.
Prodigium, quo non gens ethnica fœdius ullum
Finxerit: Harpyas, armatas igne Chimeras,
Scyllasq; Hydrafq; Briarèaq; Centaurosq;
Hunc animum spirant, hæc numina sola Tyranni
Agnorunt, venerantur, amant; nil sacra, Deumque.
Mis-

Heb. *Mitte : quid hæc autem digressus origine prima
Sermonum , frustra multis ingrata reuoluis ?
Talia suadentes, cumq; ipsis regna Tyrannis
Dispereant , modo nostra tamen nil vita laboret .*

Ed. *Scilicet hoc primum , nam .*

Heb. *Rursum excurrere tentas .
Quin age , dic tandem : quid fers ? quam dira Naimum
Mortis imago manet ? Si tamen ulla manet .*

Ed. *Vix tulerat miles trepidantes Regis ad aures
Aduenisse virum magna , atq; arcana ferentem
De Regno, de Rege; iubet sub tecta vocari,
Sed tamen excussum penitus , ac prorsus inermem.
Audijt attente narrantem singula rerum :
Turbatus rogitat nomenq; genusq; puelli.
Audito, subita ceu cuspide saucius in fit :
Heu genus inuisum, & generi lethalia nostro
Nomina, non stirpem semel extirpasse meorum
Sat fuerat ? tum nulla meis firmamina verbis
Admisit, sola contentus stirpe puelli.
Protinus horrenda truculentum voce ministrum
Aduocat ; hic gelido mihi gènu labare tremore ,
Ac mecum tacitus me sat vixisse putare .*

Heb. *Ha, ha, he, lipidum .*

Ed. *Sed fors vestigia torsit,
Atq; alio secum metuenda pericula vertit.*

Im-

*Imperat accito, me non sperante, ministro
Eiectum ultrices puerum Iordanis in undas,
Quem me, quem certis, deprehenderit, indice, signis.*

Heb. *Cur ferro mactare negat? cur flumine mergit?*

Ed. *Esse nefas retur puerili sanguine dextram
Commaculare: necem pueri, culpamq; Tyranni
Eluet, et cursu secum feret unda fugaci.*

Heb. *Fas dextram maculare negat, fas mergere retur,
Perdereq; infantes? o relligiosa Tyranni
Pectora! quæ colant pulicem, glutire Camelum
Nil dubitant. quid deinde iubet?*

Ed. *Dimittit utrunque.*

Heb. *Munere te nullo?*

Ed. *Non munera magna videntur
Vina gruem collo colla extraxisse lupino?
Incolumen dira me nunquam rebar ab aula
Cessurum, toties lustratum lumine toruo
Reddidit exanimem.*

Heb. *Dic dum: qua parte satelles
Huc aderit?*

Ed. *Patri ereptum iam forte Naimum
Sedulus extulerit: nam non procul hincce locorum
Dum pariter gradimur, prætentà proxima destrà
Tecta Sacerdotis, manifesta; signa puelli
Edocui: rapit ille viam violentior Austro.*

Hau,

TERTIVS.

95

Heb. *Hau, prius adduxes: illo prodente, Sacerdos
Noscet odoratus nostræ vestigia fraudis.*

Ed. *Pelle metum: diris deuota silentia verbis
Fortune, vitæq; sui, me astante, Tyranni
Obstrinxit.*

Heb. *Nostro faueat fors prona labori.
Si quando sacro fiam conspectus honore,
Spondeo digna tuis, cumulataq; præmia factis.*

„ Ed. *Promeritis memorem cum fecit amicus amicum,
Præmia digna tulit, satis hæc mihi præmia sunt.*

Heb. *Sat cepisse tibi, sed non sat tradere nobis.*

Ed. *Iam vale.*

Heb. *Tuq; vale. nostras nunc deserat ædes,
Vt puerum vates, quem non inuenerit, vngat.*



G CHO-

CHORI
PASTORVM.

Saltatio tertia.

Ergon' agnato fraude puello
Dire, dira texuisti
Funera, linor?

O durata ferreo
Pectora sæclo!
Fortunati quos alebant
Aurea spreto sæcula ab auro!

Rosæo nondum spicula flore,
Nec dolofo fraus tegebat
Angue venena.
Sinu sed. innocua
Otia agentes
Pax fouebat alta gentes:
Aberat dolus, aberat dolor.

Te.

*Tenerum vernis flatibus annum
Respirantem, et ridentem
Undique piētis
Flosculorum osculis,
Vbere roris
Piēti ver lactabat oris,
Tempora mulcens nescia brumæ.*

*Mixta liquenti cinnama amomo,
Et sudanti dabat ilex
Cortice nectar.
Pede lymp̄ha argenteo
Mellea nabat,
Colliumq; , valliunq;
Teneros inter lapsa smaragdos.*

*Florifer idem frugifer annus
Aurea floreo texebat
Poma monili.
Deliquebat mitibus
Gemma racemis.
Sed (ò vices!) cuncta retro,
Fraude reperta, lapsa referri.*

Rosei promunt spicula flores,
Et dolosi virus angues.
Sæua cruoris
Nunc & sitis pectore
Aestuat alto,
Nunc & astus immerenti
Vltima nequit fati puello.

O, potenti, numen, arte
Coniuratos falle dolos:
Aureos in exitus
Ferrea tandem? cœpta recude.



ACTVS

99

ACTVS QVARTVS.

* Adulla.

* Rubenus.

Diuerbium primum.

Nate, iter accelera, nequà nos forte satelles
 Occupet, hanc vitam patruo, mea vita, memento
 Te debere tuo, qui me venisse ministrum
 Lethiferum tibi, nate, audin? venisse ministrum
 Præmonuit, totumq; minas, cædesq; sonantem
 Verborum blandis ambagibus emolliuit,
 Donec te instanti possem subducere letho.
 At nunc quæ regio, quis te locus occulet vsquam
 Dum primæ spirans eluditur impetus iræ?
 En tibi leua latet tuto spelunca recessu,
 Abdita cui densæ præcludunt ostia frondes:
 Huc, fili, succede: ferent tibi mollia forsan
 Saxa, negant hominum quam saxea corda salutem.
 Luce breui careas, ne semper luce carere
 Cogaris, mea lux. Cautes, mitissima cautes,
 Thesauri cape dona mei, mea viscera habeto
 Amplexu tutanda tuo. tu ^a matris ocellum a Patris.
 Conde supercilio, fida cauerna, tuo.
 Me * miserâ! properat gressu resonâte satelles. * Miserrum.

G 3 The-

Therodamas, Adulla, Naimus, Satyrus, Ch. PP.

Diuerbium secundum.

Th. **P** ^{(quam} Erfida^a ubi es? moritura^b ubi es? an me illudere quis
^a Perfide. ^b Moritura.
 Ausus erit, cuius vel spiritus agmina differt,
 Ut ventus plumas auium, papposq; volantes?
^c Facie pallere Sa- ^c En tacet, en astat pallenti fœmina vultu.
 cerdos. ^d Ni me ^d materni flexisset amoris imago,
^d Ni me flexisset pa- Amphitryoniade mihi maxima numina iuro,
 tria pietatis imago. Iam flamma vestros abolesem vltice penates,
 Teq; tuumq; genus radicatus extirpassim.
 Da puerum.

Ad. Qui nullus adest?

Th. Simulata recedant.

Ad. O utinam similem: o utinam possim ora tueri
 Nate tua; haud dubitem vadens per tela, per ignes
 Eripere incolumem; nec te vis impia, nec te
 Vulnere complexu possint diuellere nostro;
 Quin aut una salus, aut nos commune periculum
 Hauriret.

Th. Nos, nos etiam commune periculum
 Cogit adhuc tenuem restinguere fonte fauillam,
 Ne furtim crescens inopina incendia iactet,

Queis

Queis regnum cum Rege rogo inuoluatur eodem.

Ad. *Quis nostro affingit tam dira ostenta Naimo?
Vestra ne credulitas crudelis?*

Th. *Talia Regi*

De puero quis damna canat nil scire laboro.

Scimus herum ventura sibi portenta pauentem

Me puerum rapido iussisse immergere fluctu.

Ad. *Siccine ficta subit quæcunq; lubido Tyrannum
Fit rata? sic misera^e rapiuntur pignora^f matri? ^{e Misero.}
Et Deus hac oculis e cælo despicit æquis? ^{f Patri.}*

Th. *Nectis adhuc ambage moras; ubi natus?*

Ad. *Vbi nos,*

Qui quondam in patria florenti viximus æuo?

Primus ubi sacrorum hæres? Vbi vita Nabali?

Tu puerum, sed cum puero nos quarimus omnia.

Th. *Prodere cogèris, renūis quod sponte fateri.*

„ Ad. *Nullos admittit pietas animosa timores.*

„ Th. *Vieta cadit pietas, ubi viribus obuia fiat.*

„ Ad. *Inferri vis nulla potest perijisse volenti.*

„ Th. *Sed voluisse mori prope mors admota repellet.*

Ad. *Sic vobis regnum felix, mihi patria tecta*

Cernere contingat, supera q; hac luce potiri,

Vt puer immensa telluris mole grauatus

Luce caret.

Th. *Cassos pueri nos cæde dolemus,*

G

4

Ne

Ne tamen infecta frustratus clade reuertar,

g Patris. Neu Ducis imperio nostri parere recusem:

h tu pater Subductum si forte negent præbere puellum

exolues traiectus pe- Pro natoꝝ alterius detur caput; omina nati

etora, &c. Ipsa h parens solues traiecta hoc pectora ferro.

Ad. Immo age me potius, me, me: scelus omne parentis,

Si quod erat nati; fode me, nihil ille nec ausus,

Nec potuit puer. en ultro tibi pectora pando.

Tu mihi lethali fixisti corda dolore,

Fige patens etiam vitali cuspide pectus,

Si qua tibi pietas: sine letho vulnera lethum

i Latum. Altera mi tulerunt, facient hæc altera i letam.

Parcis si seuis, seuis si parcis, iniquus

Aequus eris.

Th. Iam mitte preces; mea dextera votis

Præsto aderit iam iamq; tuis. O hæsta, trementem

Quam toties tremuere Duces, tremuere phalanges,

k Nunc Sume animos: hæc sola tuis laus ultima factis

viscera pri- Dêrat adhuc: spolia ampla feres: k per viscera adaecta

mum Hæsta Sacer- Maternos artus scrutabere. Cur tibi dextra

dotis, etc. Non dedit artificis centena cuspidis ictum?

Vt centum gemino terebratum vulnere pectus

Admittat totidem centena morte dolores.

Oppone huc pectus.

Ad. Dixisse nouissima verba

Mi

Mi liceat.

Th. *Dum pauca, licet.*

Ad. *Tibi corpora tellus*

*Mando, animum tibi summe parens, tibi sume, Naime,
Morte mea vitam: pro te profundere vitam
Vita mihi est, modo morte mea tibi uita supsit.*

Th. *Sic adsta; nec cede, meo casura lacerto.*

*l Loco mori-
ture Sacer-
dos.*

Hoc te transadigens ictu nunc exanimem do.

Nai. *m Hu Hu, Mater.*

*m Hu, hu, hu
pater.*

Th. *n At instanti quis luctus ab ictu*

n Instati, etc.

Auocat?

Sat. *Heus, somnum quis mi hic abrumpit? an hac vox
Haud pridem quæ lusit: ades?*

Nai. *o Ah mater, in antro*

*o Pater, ah
pater antro*

Me satyrus vorat.

Sat. *Hui.*

V. è C. *Satyrum cape.*

Al. è C. *It ocyor Euro.*

Th. *Quis puer ex antro accurrēs? hē p perfida nostrū p Perfide.
Siccine deludis Regem? mactandus uterque
Tuq; puerq; tuus, q maternum crimina nomen
Ni tegeret. —*

*q Patrium nē
crimina no-
men obregi-
ret.*

Me-

Therodamas, Adulla, Naimus.

Diuerbium tertium.

Ad. **H**Eu nunc demum mihi vulnus adaetum!
 Nate, quid egisti? nimia pietate parentem
 Dum colis, heu nimium crudelis, nate, fuisti
 Ipse tibi, facto pius, & sceleratus eodem.
 Nate, tibi vitam simulata morte ferebam;
 Tute tibi mortem, vitam prodendo, tulisti.
 Dum vitam mihi ferre putas, vitamq; necemq;
 Nate, rapis: vitam, quia te, mea vita, necato
 Vita mihi mors viua; necem, quia, nate, necari
 Pro te non licuit. Si mors tua fert mihi vitam,
 Ah liceat mihi, nate, mori, tibi viuere: cur, si
 Mors tua vita mihi est, non sit mea mors tibi vita?
 Iunge manus, miserande puer, pete poplite terram,
 Et vitæ, mortisq; tuæ venerare ministrum:
 Vitam ora, subiture necem. Te, belliger heros,
 Genua rogant hæc flexa, animo flectare benigno,
 Supplicium hæc supplex auertas dextera poscit.
 Hiccine sollicitans regalia corda puellus?
 Hæne manus nulli nocuæ nocuisse Tyranno
 Audebunt? quæ crimen aget qui crimina nulla

Novit

Nouit adhuc insons ? aut quæ sine crimine culpa est ?

Si subit hos tantum, nullos subit aula timores.

Pœna tamen petitur ? grauior quæ pœna petatur,

Quam trahere infontem miseranda per omnia vitam ?

Exul, inops uiuat, mortemq; miserrimus optet,

Nec pereat, longa quò possit morte perire.

Th. *Nostra velut rupes, circumlatrantibus undis,
Mens immota manens nil intraçtabilis audit.
Da natum.*

Ad. *Largire moram dum verba supremo
Amplexu ^a genitrix fundo, dumq; oscula iungo. ^a Genitor.*

Th. *Me tuus iste dolor, fieri quod posse negabam,
In mores docet ire nouos : age tempora dentur,
Sed lacrymis, ut nostra ferant vel munera luctum.*

Ad. *O pignus mihi dulce olim, o mea sera voluptas,
Nunc tantum dolor, & lacryma. o spes vana parentis,
Cui sacra, cui ^b seras optauit credula lucas. ^b Seros optauit credulus annos.
Te ne meis, o care puer, pia sydera votis
Annuerunt, me ut desereres, te ^c orbata dolerem? ^c Te orbatus abire?
In mea damna olim concepi vota, precesq;
Ante mori discas, quam viuere; & ante fuisse,
Quam fueris. Tibi nostra olim hæc brachia dulces
Præbuerant cunas, at nunc immite pheretrum
Præbent : his ego te non molli, nate, fovebo
Amplexu posthac ; non tu mea colla lacertis*

La-

*Lacteolis cingens, blando dabis oscula vultu
Arridens; leni non victus membra sopore
d Vbera in hæc matris fessum caput inclinabis.*

*d In patrios
humeros.*

*Fortunata soror tanto prærepta dolori!
At me infelicem! cui tantum numina vitam
In mortem traxere tuam. sine lumina siccem,
Nate, mihi largo mergentia flumine vultum,
Et singultantes intercludentia voces.*

*Th. Iam questus abrumpe, parens: voluuntur inanes,
Nil opis in lacrymis.*

*Ad. At saltem corda leuantur
Prodiga dum magnos eiectant lumina fletus.
Parua mora est lacrymis. Accede, o vita, tenellos*

*e Ut tibi
dextra pa-
tris.*

e Dextra tibi ut matris viuenti condar ocellos.

*Tale ministerium debebas, nate, parentis;
Debita sed nostro seruantur forte dolori,*

*f Nunc pa-
tria.*

Quæ tibi f materna præstantur munera dextra.

Mox & idem flumen mihi te, spectabile lumen,

*g Patrique.
Tu modo la-
tus obi, etc.*

Extinguet, vitamq; simul natiq; & parentisq;

At tu lætus obi, nam quamuis paruus, & insond,

At formidando moreris formido Tyranno.

h Patris.

*Nate hos amplexus, suprema hæc oscula h matris
Accipe: plenus abito mei, ut pars maxima tecum
Nostræ obeat. cur non tibi nunc, o corculum, in ora
Hunc animum expiro? vel cur hæc oscula carum*

Non

Non tibi spiritulum exugunt? ut viuere posses
 Me ^x viua, aut ego te possem pereunte perire? ^x Vno.
 Lingua abit in lacrymas, nequeo iam plura; sed arde
 Te amplecti, te flere queo: sint ora madentes
 Hi oculi, labia hæ palpèbræ, verbaq; fletus.

Th. Non modus est lacrymis. Agite, hinc raptate puellum,
 Indultum satis est.

Nai. ⁱ Heu, Mater.

ⁱ Pater,
 ah ah.

Ad. Mitte querelas:

Non potes auelli.

Th. Discerpam.

Ad. Haud viuimus ambo?

Quis vetat ambo mori? sine te mihi, nate, licebit
 Viuere, non liceat, te moriente, mori?

Th. Hic solus debetur aquis.

Ad. En lumina flumen

Nostra tibi geminum; lacrymis mergatur in istis.

Th. Verba. Vale.

Nai. Miserere parens.

Ad. Miserere parentis

Tu potius, k quam cernis opis nil ferre valentē. k Quen.

ADUL-

Adul-

Adulla.

Monodia prima.

PArtem animæ de corde meæ mihi, dire satelles,
 Auulsti; rape quod superest, aut redde quod aufers:
 Semianimem vixisse mori est. heu, perdere vitam
 Optanti, ut moriar geminata morte, negasti.


a Vno.

In me^a una simulacra locas vitæq; necisq;
 Viuere dum nequeo, dum nequeoq; mori.

b Miserū.

Ergo ne sic^b miseram, fili mea vita, parentem
 Deferis, & viuo? sine vita viuere possum,
 Aut sine morte meo finem posuisse dolori?
 Heu, morti vires adimit, vitæq; ministrat,
 Vt mea non careat vita dolore, dolor.

Sed quid ego inuitam votis accersere mortem
 Conor adhuc? viuam ut moriar: mors vlla, Naime,
 An mihi sit grauior, sine te quam ducere vitam?
 Viuam ne viuam. Quod si tamen vlla dolenti
 Vita superstes erit, vita doloris erit.



Obe-

Obedus.

Soliuerbium.

HAc iter ad patrui syluestria tecta Rubeni,
Si modo mens recolit Pastoris verba nepotis.
Hac iter, agnosco; pergamus. Mente puellum
Quem tueor dextrae implicitum non passibus equis
Militis armati vestigia lata sequentem?
Nunquam tam claros vidit mens enthea visus:
Nulla meos hebetant mortalia nubila sensus.
Adsumus absentes: oculis se se obuia nostris
Cuncta minutatim referunt. —

Monodia secunda.

En propter amœni
Fluminis undantes æstus, ripamq; virentem
It puer: innocuo scintillant gaudia vultu.
Ille coloratos inflexo pollice flores
Demetit, & florum flos est pulcherrimus ipse:
Nec sentit mortis iam iam se falce secandum.
Effuge, care puer, vicinam fluminis undam;
Mors tibi tam prope, quam vicina est fluminis unda.

Ab

*Ah miser: infontem tales ten' soluere pœnas?
Te ne genus tam crudele subire necis?
Dum graditur se se vitrea speculatur in vnda,
Atque morans, miransque sibi corridet: at illum
Perdere iam pridem tacito sub corde satelles
Versat. an admota est puerili dextera tergo?
Dextera se retrahit; sceleris, scelus horruit, author.
Iamq: iterum tentat: visu miserabile! saltu
Præcipiti puerum ripa deturbat ab alta.
Voluitur in caput: ipse suo fert dona sepulcro,
Collecti flores manibus dum forte remissis
Lethifera sparguntur aqua: magis ista puellum,
Quam vitæ iactura ferit. Iam vortice torrens
Illum hausit, tenerumq; caput spumantibus undis
Obruit. En tandem fundo vix redditur imo.
Brachiolis tenus extantem iactatq; rotatq;
Præcipitansq; rapit pronò secum alueus amne.
Libratum ne gerit rapidarum cursus aquarum,
Corporeumq; cito superatur flumine pondus?
Sustinet an potius vis vlla latentior illum?
Torpentes iam dura quies occludit ocellos.
Languida iam ceruix inimico rore grauata
Fluctuat, inq; humeros sensim collapsa recumbit.
Qualis vbi occiduo phœbeam lampada ponto
Extinctam, gelidis lacrymantur sydera guttis,
Pallida*

Q V A R T V S.

III

*Pallida purpureum gemmis onerata colorem
Amittit, lassoq; caput rosa caule reponit.
Quæ tibi mens, miserande puer, quis sensus oberrat?
Ora ne, complexus, dulceq; parentis amores?
Ipsa quidem matrem tenuis vox, ipsaq; lingua,
Ah miseram matrem moribundo prouocat ore:
Vicina matrem responsant undiq; ripæ.
Errantes oculos iterata ad nomina tollis,
Sed rursus, frustra quæsitâ matre, recondis.
Infelix quæcunque: patri si vita superstes,
Infelix quicunq; tibi est. —*



H

Ru-

Rubenus, Obedus, Raguelus, Ch. Past.

Diuerbium quartum.

Rub. **N**on tecta dolorem,
Non syluæ lenire queunt: errare

Ob. Sacerdos
Hiccinè?

Rub. Fert animus,

Ob. Ipse est: ornamina produnt.

Rub. Dum nostris ferat ipsa malis mors fera medelam.

Ob. Salue hominum sydus, diuumque verēde Sacerdos,
Cui pater athereus felicem prole parentem
Esse dedit, regno cum libertate parato,
Intrusum patrijs regem quæ pellet ab oris.

Rub. Scilicet hæc nostris deerant solatia rebus,
Vt nouus hic miserum deluderet aduena patrem.

Ob. Hoc Deus amoueāt; cuius mandata secutus
Hæc tibi vaticinor.

Rub. Tu vates ergo ne?

Ob. Vates.

Rub. O mihi te citius cælestia iussa tulissent!
Vt tua vitandas cecinissent præscia clades
Ora mihi: Vatem ten' hæc ventura latebant?

Li-

„ Ob. *Liberā vaticinā diuina potentia mentem*
 „ *Subtrahit, inspirat, nil hic mortalia possunt.*
Ne suspensa tamen mens hæreat in scia veri,
Accipe nunc nostras firmantia signa loquelas.
Magne parens, tacito solus qui numine torques
Vndisonosq; maris tractus, terramq; polumq;
Imperio cuius tenuem mollescere in vndam
Dura silex potuit; si me tua numina mittunt,
Si tua iussa cano certæ prenuntia sortis,
Da, pater, vt nostro cautes hæc leua bacillo
Icta repentinas eiaculetur aquas.

Rub. *Excipiunt portenta preces: sat facta fides est.*

Rag. *Proh mirum! remeant prisca miracula famæ.*

V. e C. *En iterum Mosi pumex vomit aridus amnem.*

Rub. *Nunc demum ingratham cur me producere vitam*
Cælicolæ voluere, patet.
Scilicet vt tanto possem superesse dolori,
Raptaq; cum nato patriæ mihi regna viderem.

Ob. *Quid memoras? Natum ne tibi rapuere?*

Rub. *Necandum*

Vicini Iordanis aquis.

Ob. *Vtrum ne, satelles*

Quem nuper, raptabat, erat?

Rub. *Sane ille: satelles*

Abripuit.

H 2 Tum

- Ob. *Tu' ergo parens miserabilis ille es,
Filiolo cuius mens nostra dolore ferebat
Inferias? puerum ne ergo, qui nullus, inungam?
Ni forte, ut cecis inuoluere sensa tenebris
Assuerunt oracula, meis voluere puellum
Perfundi lacrymis, non rore liquentis oliui.
O utinam contenta gradu vestigia recto
Ad te direxem, nec me importuna Nepotis
Dicta cui ceptum voluissent flectere callem,
Expectaturum dum te reuocaret ab urbe.*
- Rub. *Quas vrbes? quas nunquam adeo? Excidiumne Tyranni
Accepit, nostro promissaq. regna Naimo?*
- Ob. *Accepit, pastorq. nepos, pastorq. nepoti
Qui se se comitem addiderat.*
- Rub. *Pro hnumina diuum!
Inuidiam fraudemq. mei sentire Nepotis
Occipio: nuper dimissus ab urbe satelles
Hec eadem ventura suo portenta Tyranno
Attulerat: tam dira illi quis monstra canebat,
Ni dudum nobis, pueroq. infensus Heberus
Eheu, se patrum simulans accire, ministrum
Acciuit lethum natoq. patriq. ferentem.*
- Ob. *Me miserum! puerum ne tibi, cui regna parabam,
Eripui imprudens? cumulare dolore dolores,
Heu, potui, dum fausta tibi, dum leta ferebam?*

O mea

QVARTVS.

115

O mea mens fallax ! o te prodentia verba !

O scelus omne meum !

Rub. *Non te Sanctissime Vates,
Non ego te arguerim ; sed ferrea corda Nepotis
Prudentis me , teq; simul.*

Rag. *Nate impie , nate
Non me, sed sæui spumantibus equoris undis,
Ten' scelus hoc ? patris quid tecum verba , precesq;
Quid valuereminae ? dignas dabis, improbe, pœnas.
Inuidiæ cæco rebar tabescere morsu,
Nec plura ausurum.*

Rub. *Tua nunc insomnia , frater,
Experior nostris nimium veracia damnis.
Hi venti, hæ palmæ arentes, fructusq; cadentes.*

Ob. *Quæ mihi se se etiam nuper visenda tulerunt
Heu sero agnosco ! fuit, ah fuit, improbe Pastor,
Mens tua liuoris nigro suffusa veneno
Deiiciens pullos maculis interlitus anguis.*

Rub. *Te ne, puer, raptum, regni clademne dolebo ?
Regna prius : pro morte tua mea deinde dolenda est
Vita mihi, quam numen adhuc protraxit, ut unâ
Teq; , puer, raptum, regni clademq; viderem.
Anne parum, superi, curis affecta senectus
Nostra videbatur, ni sæui fraude nepotis
Obrueret patrum noua cura ? nouissima fiet;*

H 3 Nam

Nam modo crudelem certum est abrumper lucem,
 Teq; sequi, mi nate. Quid, ah quid, nate, meum te
 Dicere mens amens ausa est, quem dira tumentis
 Fluminis unda suum correptum vortice fecit?
 O sine luce diem, quæ te sub luminis auras
 Extulit in vitam! si te tua vita, Naime,
 Debuit intempestivæ transmittere morti
 Infontem; nisi vita fuit tibi criminis instar.
 Criminis instar erit, te non vivente, parenti
 Viuere: sed pariter vita me, & crimine solvam.
 O mihi dulce mori, dum te, mi nate, fouebam
 Dulcia mellitis delibans oscula labris!

Ob. Me potius me die neci permitte Sacerdos:
 Nostra sibi talem deprecant crimina pœnam,
 Qui nato eripiens vitam, mortem infero Patri.

Rub. Mors erat hæc nostræ iam pridem debita vite,
 Ex quo me patria pulsum, natoq; sacrisq;
 Orbatum voluit diuum pater, atq; hominum Rex.
 Ac nunc, ceu natum ferrumq; & flumen utrumq;
 Hauserunt, patrem ferriq; & fluminis instar
 Non dolor effodiat? nostris accommoda curis
 Hæc spelunca patet: lubet, huc lubet ocys ire.
 Hic mortem opperiar, mea se vita vnde Naimus
 Extulit: hic viuus morientum, mortuus idem
 Viuentum dicar. nec mi ventura lubenti.

Mors

*Mors erit hæc : tantum mors expectata grauabit.
 Quam tempestiuas, vates, tua dextera lymphas
 Elicuit saxo! saltem hæc solatia nobis
 Aeternas lacrymas æterni signa doloris
 Saxa ferent. animi vos signa dolentis, amici,
 Mittite. mi nemo lessum, neu funera faxit,
 Neu tumultum, tumulo mæstum neu scalpito carmen.
 Hæ sat erunt lacrymæ. Cautes hoc fonte recenti
 Viua meos monumenta feret prodentia casus:
 Tam diros casus, vt vel durissima rupes
 Emollita nouas lacrymarum fuderit undas.
 Hæc saltem si quando gradum referetis, amici,
 Ne graue sit verbis affari ossa supremis:
 Ossa, animata olim Rubeni quæ ossa fuistis,
 Nunc lapidum simulacra, leui requiescite terra.
 Tu vero, germane animo gratissime nostro
 Mi Raguele, vale: extremum quod te alloquor hoc est.
 Sylua vale: non te posthac visurus abibo.
 Rupes, quæ natum eiesti, nunc accipe patrem.
 Rag. Siste gradum. Vates, animum solare dolentis.
 Ob. Solabor solandus ego? geminata doloris
 Vis nostri, miseriq; patris tam dira ferentis
 Eripuit cum voce animum.
 Rag. Rubene, malorum
 Non molem perferre, malum est.*

H

4

Vis

Rub. *Vis victa dolore est.*

„ Rag. *Stat sua cuiq; graui praesens medicina dolori.*

Rub. *Mors medicina meo.*

„ Rag. *Sibi mors illata malorum*

„ *Pessima ; nulla malis mala mors potis esse medela.*

Rub. *Quid viuat : perijt cui spes postrema bonorum ?*

„ Rag. *Et desperatis aliquam sperare salutem*

„ *Profuit.*

Rub. *Anne nouos vis me sperare labores ?*

Rag. *Quae tibi, quae nato diuina oracula pandunt.*

Rub. *Scilicet, heu, nostris quae fecimus irrita factis ?*

Nulla salus, Raguele, vale : mortem appeto, mortem.

Rag. *Te precor, hanc, precibus si quis locus, exue mentem:*

Sin secus, haec fratrem duc in discrimina tecum.

Non potes hinc sine me, mecum potes ire, sequar te.

Me rape : me pietas, te mens exercita curis,

Coget utrumq; dolor communi morte perire.

Rub. *Quid me complexus tentas compescere ? vitam*

„ *Quisq; potest, mortem demere nemo potest.*

Impia te pietas falsa sub imagine ludit,

Exequiasq; docet viui producere fratris.

„ *Opprimere est, germane, mori prohibere parantem.*

Rag. *Si pietas, Rubene, domus te nulla labantis,*

Nulla capit nostri, saltem miserere Naimi,

In patre qui moriens sibi viua sepulcra locauit.

Si

*Si moreris, geminata tuo fers funera nato,
Si uiuis, uiuet.*

Rub. *Potius mea viscera secum
Abstulit ille; licet nec mi vixisse volenti.
Nam mihi si vires, si quondam corda fuisti,
Suprema quas morte dabant tua lumina, noster
Sanguis erant, lacrymæ; suspiria spiritus iste;
Quæq. oculos extrema quies tibi, nate, natantes
Clausit, erit mea mors. heu me, mea vita, Hai —*

Rag. *Hei misero: Vates accurre.*

Ob. *Hem vita reliquit
Fratris in amplexu labentem.*

Ch.P. *Solue virentes pallida crines
Viduata tuo præsule sylua.*

Rag. *Ferte citi gelidos illo de fonte liquores.*

Ch. *Vos & odorum venatrices
Celeres Auræ, flebile circum
Suspirantes promite murmur.*

Ob. *An brachia mortem,
Quam spelunca fuit serò latura, tulerunt?*


Ch. *Tuq., o florum cætus odore,
Languida mæstus colla remitte.*

Rag. *Viuit: adhuc tenui pulsantur corda calore.
Maturemus: age huc, sublatum in tecla feramus.*

Ch. *Nubilus agros vestiat horror,
Flete madentes roribus herbæ.*

CHO-

CHORVS QVARTVS PASTORVM.



SOL, qui patentis æquora terræ
Ore lustras aureo,
Puellaris dura necis
Monumenta nubilus
Phario vides æqua tyranno.

*M*ascula mærens pignora Nilus
Iussu mersit regio.
Pro vitali necaturos
Lacte sugunt latices:
Vitreæ præbet vbera torrens.

*P*rima recentis limina vitæ
Pede libant lacteo,
Diræ tangunt metas mortis.
Primus ollis Lucifer
Vltima vexit tempora lucis.

Mater

QVARTVS.

1211

*Mater exangui fixa dolore,
Concidit: exanimis
Ripa puer arenosa
Iacet: utri nescias
Torpeant vero lumina letho.*

*Mitia Mofi flumina parcut.
Regem, agmen regium
Haurit vltrix ira ponti.
Qui puellos rapidis
Merferat undis, mergitur undis.*

„ *Arbiter alto sedet olympos
„ Pari librans pondere
„ Lancis æquæ pœnam, scelus:
„ Læua læuis, leuibus
„ Grauiæ, iniquis æqua reponit.*

*Te quoq. sceptrum, Syre, tuentem
Nece infontis pupuli,
Inopina rapto coget
Regno cædes cedere.
„ Dira gerentem dira sequuntur.*

ANO-

ANONYMI E CHORO PASTORVM.

Diuerbium Quintum.

QUIS nouus hic nostras strepitus clarescit ad aures?
 Pulsa sonat tellus: magno virgulta fragore
 Fracta gemūt. Quæ vox? fallor? venātis Orebi est?
 Audin? assensu conspirant cornua rauco.
 Vndiq. latratuſq. canum, clamorq. virorum
 Prædæ index. crebris acuunt hortatibus iras.



ACTVS

123
ACTVS QVINTVS.

Heberus, Edenus, Raguelus.

Diuerbium primum.

He. **M**E miserum! patuere doli.

Ed. **S**ors vela retorsit.

He. *Exilio mutanda domus.*

Ed. *Pater aduolat: heus tu*

Huc mecum post densa subi uepreta: licebit

Hinc audire, ferat si quid fortuna secundi.

Ra. *Si vos inueniam, geminum scelus, ardua cæli*

Sydera contestor, cæco sub carcere utrunque

Multa dies premet immunem lucisq; dapisq;

Donec vos circum Pastorum fusa caterua

Vndique densato saxorum proterat imbre.



Obe-

Obedus, Rubenus, Ioelus.

Diuerbium Secundum.

Rub. *Aegra labant mi genua, manu rege membra, Nadabe.*

Ob. *Nescius eludens magni responsa tonantis
Elusus remeo.*

Rub. *Cum te muscosa fluenta
Iordanis ponte accipient, labentibus undis
Sola mei cernes vestigia fixa doloris.*

Io. *Saluete, o quicumq. Patres: hic calle quaterno
Peruia sylua patet: quàm me via mittet in urbem?*

Ob. *Hàc: unà gradiemur: ades.*

Ioel. *Me forte Sacerdos
Hicce Sacerdotis, qui queritur, ora docebit.
Siste, precor, gressum. Paucis te fasne morari
Quisquis es, o longæve parens?*

Ru. *Fas: ocys effer.*

Io. *Anne Auranitici vestras vlla attigit aures
Fama Sacerdotis? supera ne hac vescitur aura?*

Rub. *Mitte: scies isthac vicinam ut viseris urbem.*

Io. *Ne, rogo, ne sæui: nam me longinqua viarum
Emensum, hoc unum ut scirem, misereq. grauatū
Hoc uno mulcere potes, reliquæve laborem*

Immi-

Imminuisse via. num tristibus occubat umbris?

Fare precor.

Rub. *Cui vita mori, cui viuere mors est,
Viuit? an occubuit? vita ne caretq. caletq.?
Hoc æui, quem quæris, agit.*

Io. *Ni verba, Sacerdos,
Me tua, seu potius mea me sententia fallit,
Illius horrendis iactatur vita periclis.
An saltem prisca sacrorum luce coruscum
Urbs alit?*

Rub. *Exilio rerum pene omnium egenus
Antiquasq. domos, & dulcia limina liquit.*

Io. *Heu, miserum pœnis quis tam crudelibus urget?*

Ru. *Nec vacat, & longum est tantos memorare labores.*

Io. *Quam numerat prolem?*

Rub. *Mitte hoc: nil cetera noui.
Scire quid hæc ad te?*

Io. *Nimum, nimumq., Sacerdos,
Hæc infelicem penitus me nosse necessum est.
Pauca super natis ne respondere graueris.*

Rub. *Hostili hunc ferro, seu is hunc edidit undis*

Io. *Infelix? Porro superum qui sacra ministras,
Quid tibi cum syluis? quis talibus intulit oris?*

Rub. *Me quoq. per clades, per multa pericula rerum
Iactatum Deus his voluit consistere terris.*

Rub. *Me*

Ob. *Me Bassaniticum properantem tendere regnum
Iamdudum, Pastor, sermone moraris inani.
Aut ades, aut abeo.*

Io. *Iam iam comitabor euntem:
Nil opus urbe mihi est: satis hic iam cuncta, superq.
Nouimus. & quoniam (proh rerum lubricus orbis!)
Desperata iacent quæ florentissima rebar,
Vnde tui, Syria sistam vestigia terra.*

Rub. *Tun' Syrus? hic vates tantisper comprime gressum.*

Ob. *Ne te clade noua nostri præsentia vultus
Opprimat, hinc cedo.*

Rub. *Nihil ultra apponere nostris,
Fac te velle, malis potes, aut ego plura subire.*

Ob. *Me debere moras nihil est cui debeo natum:
Quere age: consistam.*

Rub. *Syria tun' ergo profectus?
Quam tempestiuus nostris ades aduena votis!
Dic, fili (te pene meum mens ausa vocare est)
Dic, fili (hoc præter solitum dulcedine nomen
Pectora nostra rigat: quanquam mihi nomina patris
Sors rapuit) Dic ergo, tuas num rumor ad aures
Attulit abductum patria regione puellum
In Syrijs perijisse locis, cui sacra Sacerdos,
Quem modo querebas, Aurana debuit urbis?*

Io. *Attulit, & noui.*

Ru. *Viuit ne?*

Vivis

Io. *Vt viuere nolit*

Rub. *Oh quid ais? uiuit, lacrymis quem saepe parentes
Enectum gemuere suis? o nuntia falsi*

„ *Fama! fides o prona malis!*

„ Io. *Viuat ne, cadat ne*

„ *Nil refert cui vota mori, cui vita perosa est:*

„ *Infelix utroq; cadat, uiuatue gemendus;*

„ *Forte minus, si forte cadat.*

Rub. *Quid? seua ne tantis
Illum agitat fortuna malis?*

Io. *Heu, desine plura.*

Rub. *Me lacrymae lacrymare tua, mitissime, cogunt*

Quam facili luges alienam pectore sortem?

Hoc mihi te nostro similem feres, aduena, nato,

Qui mihi prima fuit materni germina ventris.

Sic lenis, sic corde fuit, sic moribus, & nunc.

Forte tibi equali uiuus pubesceret aeo.

Qui te, qui tanti talem genuere parentes?

Ergo meis mandata feres, o Pastor, amicis,

Quos procul hinc syrijs via diuidit inuia regnis.

At quae te nobis fors opportuna sub ora

Attulit?

Io. *Adductus vicina in tecta puellis,*

Quem nuper Iordanis iter prope flumina tendens,

Illatumq; vadis, madidaq; in veste fluentem,

I

Et

*Et tenui miseras iterantem voce querelas
 Extraxi miseratus.*

Rub. *Ain' quo patre, quibusve
 Ortus auis?*

Io. *Venator erat clamore secundo
 Imbelles agitando prætenta in retia ceruos:
 Ille sibi puerum patruelem, patre canebat
 Præsede sacrorum, docuitq. mapale petendum.*

Rub. *Proh superis patri ne tamen sua pignora tradis?*

Io. *Non patri, at patruo, qui se tulit obuius ultro.*

Ob. *Forte Naimus erit*

Rub. *Species an ficta Naimi?
 Hoc reliquum fuit, o summi regnator Olympi,
 Ut vera orbatum sic solaxere parentem
 Prole notha?*

Ob. *Quid si fuerit tua vera propago?*

Rub. *Scilicet in lucem medijs emerferit undis
 Exequijs fecunda suis.*


Ob. *Deuexerit alueus
 In vada nil lesam.*

Rub. *Tun' mentem fluminis equam
 Rebere? tun' bruti tantum rationis in undis,
 Ut pueris parcant? o te ratione:
 Ne memori percelle nouo mihi corda dolore.
 Et iam tempus erat promissa hinc verba referre
 Pastorem.*

Pastorem.

Io. O Sylue, o patrio loca subdita celo,
Non vos tam tristi speraui nubila vultu
Visurum : vos barbaricis mage barbara terris
Exterior, saluete ideo, extremumq. valete
Quando etenim satis iterum iactatus iniquis
In patria nequeo viuere, nolo mori.

Rub. En ades, huic mecum leuo succede mapali,
Dum breuibus pango mandata ferenda tabellis.



Ieraëlus, Chorus P. P.

Soluerbium Primum.

Ier. **S** T. Audi, o præclare! fortean
 Auicularum prouocata cantibus,
 Quas caueis captiuas domum refero,
 Cantu respondet æmulo.
 At at, iam iam suspensa hoc ramo caueæ
 Addam tenaci lita visco uimina:
 Tum simulato post virgulta hæc latitans
 Ille etiam fallans sibilo.

Canticum Primum.

Ier. **Z** Pè tiù zquà
 Quoror' pipì
 Tio tio tio tio tio, tio
 Tio tio tio tio tix.

Vn.èC. Audin' iliceis abdita ramis
 Ludit ut vario garrula cantu,
 Aureſq. blandum Philomela mulcet?
 Omnes una gnara vocum
 Artifici concentus
 Emodulatur ore.

Lucio

QVINTVS.

131

Io. *Qutìo qutìo qutìo qutìo*
Qutìo qutìo qutìo
Zi zi zi zi zi zi zi
Quoròr tiù zquà pipiquè .

Tres *Modo continuo lenta tenore*
 è Ch. *Extento trahitur vocula cantu;*
Modo conciso properata saltu,
Seq. frangit, seq. carpit.
Inflexa variatur,
Intorta copulatur.

Ier. *Pì tiù xquò*
Quorì zpe
Tio tio tio tio tio tio
Tio tio tio tio tiò.

Duo *Trepidis anxia faucibus errat,*
 è Ch. *Grauis immurmurat pectoris antro.*
Nunc premitur, nunc libera citato
Cursu fertur, nunc libratur.
Nunc tremulo garritu
Argutula vibratur.

I 3 Tiùu

Ier. *Tiùu tiùu tiùu tiùu tiùu*
Tio tio tio tio tio
Tio tio tio tio tio
Zpe zpe zizì zquoquì .

V. è C. *Sape languidulo blandula flexu*
Velut emoritur, velut exurgens
Sape ridenti gutture lasciuat .
Fugit, redit renocata .
Nunc placide respirat,
Nunc musicè suspirat .

Ier. *Zquù zizì quorè tiotiò*
Zpe zpe zpe zpe zpe
Zpe zpe zpe zpe zpe
Pipipi qutiò quoriquoriò .

Tres *Modo gementibus agra susurris,*
 è Cho. *Modo rotatili vagula gyro,*
Erratq. voluiturq. necliturq.
Nunc elata, nunc demissa,
Zinzilulat, fritillat,
Secumq. minurissat.

Quo.


Ier. Quororororòr qutìo qutìo
 Qutìo zquo zquo zquo zquo
 Zquò tia tia tià
 Quoròr tiò tiù zquè.

C.Vni- Aemula tinnulo lingua plectro
 uersus. Pectus innumero temperat ictu,
 Vocumq. mille dadalum fit guttur.
 Mille Lyras una gerens
 Artifici concentus
 Emodulatur ore.

Ier. Quori quori quori quorì zpe
 Zpe zpe zpe pì pì
 Pì pì pì pì pì pì pì
 Zqua zquà tiò tiù zizinz.

Soliuerbium Secundum.

Ier. Hau, auolauit. protinus
 Et ipse hinc domum auolo.



Rubenus, Ioelus, Obedus, Nchemias.

Diuerbium Tertium.

Ru. **A**CCIPE *quæ fides referas mandata.*

Io. *Ioelo*

Inscriptu? confecta via est.

Ob. *Quid mussitat ore?*

Io. *Fallimur? an signa hæc patria sunt indita gemma?*
Sunt: memor agnosco.

Ru. *Quid cerea signa iueris?*

Io. *Vnde tibi, senior, signa hæc?*

Ru. *Iam bile tumesco:*

Quid toties me plura rogas? fletu sic Tyranni
Explorator ades?

Io. *Tandem iuuenile calefces*

Et mihi, bile iecur: mites dediscere mores

Cogis & inuitum: toties cur aspera seuis?

Parcius ista viris tamen obijcienda memento.

Explorator ego? Te intempestiuus hic ardor

Haud animi infontis, furtiq. coarguit.

Ru. *Heus vos*

Cessatis? verbo ne etiam scelerate laceffis?

Hinc age sis, ni:

Parce

- Io. *Parce manu: quid trudis? ecastor*
Hoc telo.
- Ob. *Rubene, caue.*
- Io. *Rubenus an hic est?*
Heu facinus, nostra est pene quod ausa manus.
O dulcis genitor? o non inuenta parentis
Ora reperta mei! da dextrae iungere dextram.
- Ob. *Desine contactu sacrum temerare ministrum.*
- Io. *Ob facinus nostra est nempe quod ausa manus.*
Men refugis? gnati genitor dextram ne repellis?
Ne, precor, auersus patrium pater exue pectus.
Sed recte refugis, genitor, natumque repellis,
Ob facinus, nostra est pene quod ausa manus.
- Rub. *Tu ne mihi pignus? quin talia mitte profari.*
Non Syrus es: non hospes ades?
- Io. *Syrus, haud tamen hospes,*
Mancipio Syrus, ast ipso non hospes ab ortu,
Quo mihi vitales tellus hac praeuit auras.
- Rub. *Quae tibi, quae genetrix?*
- Io. *Tibi quae fuit uxor Adulla.*
- Rub. *Proh mirum? concussa nouus tremor occupat ossa.*
- Io. *Fixus aduc heres! veri argumenta parentis*
Excutient dubiam firmato pectore mentem.
Hac me sola nocens genitum te patre negabit,
Ob facinus nostra est pene quod ausa manus.

Ex-

Excidit an lauo natum gessisse lacerto

Indita vel cæco fœcundæ viscere matris.

Signa pere xiguos imitantia syderis orbes?

Rub. *Excidit haud quaquam.*

Io. *Puerilis munera bullæ,*

Conditaq; agnoris materni symbola texti,

Aequore tranquillo subeuntem littora puppim?

Quæ manibus festina suis discrimine multo

Pinxit acu; phrygioq; illufit carbasæ nexu,

Addidit extremæ Meandrum carminis oræ:

Carior acta malis.

Ru. *Agnorim.*

Io. *En signa lacerti.*

En textum matris.

Ru. *Nihil, o dulcissima proles,*

Nil moror: agnoui nostrum, tua sydera, lumen.

Tu ratis es, miseri reuehis quæ corda parentis

Per varios casus, nostriq; per æquora luctus:

Te tandem excipiunt tuto mea brachia portu.

Carior o nobis, quo, tuta merce, carina est

Carior acta malis.

Io. *Rupes tutissima nobis*

Vos genua amplector. Pater, hinc non viribus ullis

Abstrahar; hic nostræ firmata est anchora vitæ:

Carior o nobis, quo fessis æquore nautis

Ca-

Carior acta malis.

*Heu carum pectus! potuin' lesisse videri
Impius infesto tam dulcia viscera ferro?
Nec tu crudelis subito stupefacta rigore
Ob facinus nostra es pene quod ausa manus?*

Ru. *Ignotum facinus non te finit esse nocentem.
Sors breuib; rixis nostro prolusit amori.
O dulces lacrymæ, fortunatiq; dolores,
Diffidio quos, nate, tui noctesq; diesq;
Pertulimus; si densa mei post nubila luctus
Aspectus irimq; tui, frontisq; serenum
Visurus vixi. Rapuit sors dura puellum,
Te iuuenem reddit: cassum te lumine luxi,
Viuentem amplector. fuit hoc quod nomina nati
Mulcebant patrium tanta dulcedine pectus.*

Io. *Gaudia, quæ nostram cinxerunt undiq; mentem
Obsidione graui, genitor, me reddere cogunt
Pro verbis lacrymas. Tu nostras, optime vates,
Fare vices: cari quod nouimus ora parentis
Muneris omne tui est.*

Ob. *Diuini muneris esto
„ Non nostri: iucunda polo labuntur ab alto.
Aetherei sensus, & non scrutabile numen,
Euentus arcana tui quis pandere possit?
Sic fixum Cælo, sic alta mente Tonantis*

Se-

*Sederat, alterius ne vultum agnosceret alter,
Alter ni alterius discrimina cædis adiret.*

Rub. *Verborum, vates, verbo mihi damna rependis:
Per te mi lacrymæ, per te mihi gaudia.*

Ob. *Natum*

Nescius eripui, nescius hunc retuli.

Rub. *At tibi captivo patrios tetigisse penates
Quæ licuit, fili?*

Io. *Syriæ sub faucibus oræ*

Pastorem in viridi proiectum vidimus umbra

Herboso teneras pascentem colle capellas.

Huic ego barbaricæ delatum vestis honorem

(ἡγεῖσθαι καὶ λαμβάνειν) agnitis pellibus ultro

Vertere suadebam præ libertatis amore.

Tum pastoralis præcinctus corpora veste

Subtrahor inuisis, mentitis oribus, oris.

Rub. *Heu præsaga nimis, portentaq; certa futuri!*

Nam tibi ducendæ, patriæq; insignia vitæ

Induis ignarus. Quid te quid iuuerit, eheu,

Veniße incolumem, si natus, nate, parentis

Exulis exul eris? cur non sæuissima tecum,

Mutatis fortuna oris, mutauit & ora?


Veniisti nostri puer incrementa doloris.

Anne ego, mi fili, potero tam dura ferentem

Exilijs animo te cernere ferreus æquo?

In

- Io. In te, care parens, nostra solatia mentis,
In te diuitias, in te patriamq; locaui:
Nō ego me extorrem, tristemue, inopemue putarim,
Dum tecum dulcem detur traducere vitam.
- Ob. Latere hoc saltem: nato dispendia nati,
Et iuvene hoc puerum diuina potentia pensat.
- Ru. Ille quis est autem, qui pectore totus anhelō
Præcipitem de colle citat per deuia gressum?
- Neh. Templā, Pater, pete templā: vocant miracula rerū.
- Ru. Quid trepidas?
- Neh. Sacris præbebam pabula flammis;
Ecce tholo nubes aurato lucida nimbo
Delabens, aras candenti inuoluit amictu.
- Ru. Quid cæli portenta velint visamus; & astris,
Incolumi nato, laudum soluantur honores.
- Io. At tu, seuum, audax, & detestabile telum,
Quo patrio prope dextra mihi tepe facta cruore est,
I procul hinc, & cæca petens vepreta, lateto
Qua non vlla virum signat vestigia tellus.



He-

Heberus, Edenus.

Diuerbium quartum.

He. **H**Ei, hei, me fixit.

Ed. **T**acitus compeſce dolorem,
Ne te prode.

He. *Manu telum clementius educ.*

Ed. *En faciles eduſta manus ſunt tela ſecuta;
Sed cruor undanti largus de vulnere manat.
Reijce te in pectus, poſtrasq; ſupinus in vlnas.*

He. *An pecudum de more iacens ſine honore ſepulchri
Saucius hic moriar? patriasne ſubibimus ades?
An me committam vinclis, iraq; parentis?
Si pereo, manibus patrijs periſſe iuuabit.
Forſitan hæc facies meritas emolliet iras.*

Ed. *Ten' procul hinc fugiens abieſtum in gramine linguam?
Nec pietas, nec noſter amor tam dira minantur.
Ten' igitur per vincla ſequar? ſic præſtat: amicus
Te fidus per vincla ſequar. Proh, numen Olympi,
Sponte ſua pœnam ſontes vt cogis adire!*

He. *Vt mihi poſcenti patruelis funera, funus
Vulnere vicinum patruelis dextra reponit?
Sed celerem poſcunt hæc vulnere noſtra medelam:
Pelle moras: age, duce domũ: ſed lætius: eheu.*

Gel-

Gelbeus, Satyrus.

Diuerbium quintum.

Gel. **S**ic retibus implicitum protrudite
Semiuirumq; caprum,
Semicaprumq; virum.

Sat. Hu, hu, hu, —

Gel. Perge, bellua.
Qui tanto feras expetebas opere,
Feris onustus gradere.

Sat. Hu, hu, non onus, sed petebam pabulum.

Gel. At quis te casus intulit in retia?

Sat. Excitus illo ex antro,
Semisopitus per virgulta fugitans
In plagas memet ipse ignarus indui:
Prædamq; vobis erepturus, præda sum.

Gel. Te capto, duas cepimus
Vna captura belluas.

Sat. Hu, utinam sus forem! vestris legibus
Incolumis, macellum non horrescerem,
Quod imminet mi misero.

Gel. Securus age: sat immundum pecus es.
Lex æqua tibi pariter, ac suis.

Nam

Nam licet unguis incedas bifidis,
 Alæq; par voragini
 Haurias omnia, nil tamen ruminas.
 Sed age, domum perge. —

Sat. Quid vrgetis?
 Hu, hu, hu, hu, hu. —

Gel. Concidit
 An nondum temulentia?
 Quid gradum implicas? quin tollis ungulas?

Sat. Iniquo hu, hu, concidi sub onere.

Gel. Attollitor, progreditor,
 Semihomo, semicaper,
 Vtrunq; & neutrum, totus porro bellua.



Ra-

Rubenus, Raguelus, Naimus, Obedus, Ioelus.

Diuerbium sextum.

Ru. **D**Emensi iam collis iter, mea tecta petamus.

Rag. Ecce tuus, Rubene, puer.

Rub. Num lumina fallunt

Me mea? num vana deludor imagine formæ?

An puer haud pridem torrenti flumine mersus

Viuit adhuc? trepidos latus stapor opprimit artus.

Non fallor: video geminum, mea sydera, lumen;

Agnosco frontis cælum, auroramq; genarum,

Aemulaq; hyblæis bella labella rosis.

Da mihi suauiolum, gnate.

Na. Ha, ha.

Rub. Fulgura risus,

Nate, tui patrium furtiuo fulmine pectus

Fixerunt: seu purpureis, ut flore, labellis

Instar apïs latitans cum dulci gratia risu

Spicula contorsit: certe præcordia liquit

Ora petens animus lethi discrimine paruo.

Osculum erat mea vita, tamen non vita recessit,

Quod, mea, te nostris, o vita, amplectimur vlnis.

O Gemini Soles gemmantes frontis ocelli,

K

Quos

a Patriæ.
Si actu 4.
matrem nō
induxeris.

Quos ^a matris clausure manus in limine mortis;
Nunc etiam in vitam vos hæc patris oscula cludat.
Quis mihi te seui subtractum faucibus orci
Reddidit incolumem, pulchelle Naimule?

Na. Pappa,

Ha, he.

Rub. Blandiris? quin ede rogata parenti.

Rag. Quantum me sermo puerili balbus ab ore
Edocuit; virgamq; gerens, bifidaq; tabellas,

Vide in fine
huius scene
si velis hæc
dici à puel-
lo Naimo.

Et gemina attollens radianti cornua fronte
Matura senior formæ grauitate verendus
Visus adesse olli, circumfusaq; repente
Veste necaturas obtecto reppulit undas,
Tum puer ignarus qua ui, quibus incitus undis,
Sensit limosæ delatus in æquora terræ,
Quam mediam Iordanis, aquis utrinq; reductis,
Alligat amplexu.

Rub: Patruinum vera, Naime,
Ora sonant?

Nai. Esiam.

Rub. Moses, o lux mea, Moses

Ille fuit. Fuit ille, tui quem somnia visus
Finxerunt, germane, caput de fonte ferentem.

Ob. Nil mirum; extremi non inscius ille pericli,
Non fluuij ignarus miseris succurrere discit.

Illum

*Illum etiam querni conclusum vimine texti
Flumineus vortex unda fluitante vorasset;
Regia ni miserum miserata puella puellum
Eripuisset aquis.*

Rub. *Puerum cur purpura cingit?*

Non sat quæ teneras conuestit purpura malas?

Rag. *Lata parens madidum tali siccauit amictu.*

Rub. *Hæc quoq; sunt regni non irrita signa futuri.*

*Quis Pastor vicina fuit venatibus arua
Exercens, mittensq; meum sub tecta Naimum?*

Rag. *Aggeus fuerit.*

Rub. *Puerumne, Ioele, ferebas*

Hunc isti?

Io. *Hunc ipsi.*

Rub. *Patruote, nate, ferebas*

Ignotus.

Io. *Meus hic patruus?*

Rag. *Tuus iste Ioelus?*

Rub. *Sic est.*

Rag. *Hanc dextram quam lato amplectimur ore,
Care Nepos! cui post longa volumina tandem
Venisti. O vigili demissa insomnia menti:*

*„ Aspice num noris patria sub fronde sedentem.
Asspicio: tu vera mei mihi forma Nepotis.*

Io. *Sic patuisset iter, syria ceu sepe relicta*

K

2

Ten-

*Tentaui effugium; quò patria tecta reuisens,
Alloquijs, fruererq; tuo, mi patruæ, vultu.*

Rag. *Nuntius euentus tanti mea tecta subido.*

Rub. *I, licet. —*

*Si quæ dicit Raguelus: Quantum me, &c.
vsq; ad ea: Moses, o lux, &c. velis dici
à puello Naimo, sic effinge.*

*Nai. Vt memini edicam: virgamq; gerens, bifida sq; tabellas,
Et gemina attollens radianti cornua fronte
Matura senior formæ grauitate verendus
Visus adesse mihi, circumfusaq; repente
Veste, necaturas obtecto reppulit undas.
Ast ignarus ego qua vi, quibus incitus undis
Sensilimose delatus in æquora terræ,
Quam mediam Iordanis, aquis utrinq; reductis,
Alligat amplexu.*

Rub. *Moses, o lux mea, moyses &c.*

¶¶¶¶¶

Ioc-

Ioelus, Obedus, Rubenus, Naimus.

Diuerbium septimum.

Io. **A**mplexus, atq; hac tibi debita, frater,
Oscula ferre iuuat. Generis lux inclyta nostri
Occideras, iterum vitæ reuocatus ad ortum,
Latitiaq; diem referens, ante ora parentis
Me tibi luciferum præmittis. patre potiri
Mì licuit, germane, tibi cum patre carere
Contigit: amissum amissus, iuuenemq; puellus,
Ductoremq; refers adductus.

Ob. Regius oris
In puero fulgor: regali digna corona
Tempora: quam grauibus circumfert motibus ora?
Natus ad imperium, maiestatemq; regendi:
Gratulor incolumem.

Rub. Sed non gratabere, Vates,
Iura Sacerdotis, natiq; parensq; genusq;
Certa sub incerti quod vertimus omine regni.

Ob. Quis sacra iam multos prohibet firmata per annos
In genus ire tuum?

Rub. Sacer est ungendus an iste,
Cui tu regna paras, proles an prima Ioelus?

K 3

Non

Ob. *Non sacra, sed tantum debentur sceptrā Naimo.*

Ru. *Hunc leges poscunt, at cœlica iussa Naimum :*

„ *Craftina cum summos auroræ purpura montes*

„ *Pinxerit, vnge tuum sacratio Chrismate natum.*

„ Ob. *Quam caliganti mortalis mersa profundo*

„ *Mens iacet, eterni subducto lumine solis!*

Ten' fugit ambiguus occlusa oracula verbis?

Vnge, canunt, natum: communi nomine natum,

Non certa sub voce notant: quem scilice olim

Aurea priscorum sanxerunt iussa parentum:

„ *Prima Sacerdotis vera de stirpe Sacerdos*

„ *Vngenda est proles. Notum Deus obtulit ultro*

Hunc tibi Sacrandum.

Rub. *Diris mea pectora nodis*

Laxasti. nunc, o magni venerabile olympi,

Nunc supplex, positoq; genu te, numen, adoro.

Quot vaga nocturno conuiuent lumina cœlo,

Quot volucres leuib; librantur in àere pennis,

Squammea quot vasto labuntur corpora ponto,

Dadala quam varios submittit terra colores;

Tot tibi letanti persoluo pectore grates.

Tu mihi, summe parens, orbato lumen utrunq;

Reddis, ut huic aras, tradenda huic sceptrā viderē.

Ergo mihi tanti labetur gratia facti,

Aequora cum pisces, varios cum terra colores,

Cum

*Cum volucres àèr, aut astra negabit olympus.
O amor, o mitis diæ clementia mentis!
O mira, & cunctis memoranda potentia sæclis!
Men' hodie natos per mortem ad limina vitæ
Cernere, perque ipsum duci ad conuiuia funus?
O patrij tellus furtunatissima regni,
Tu quoq; letitiam, libertatisq; fruendæ
Accipies certum nostro hoc in pignore pignus.
Si mihi tam longæ ducantur stamina vitæ,
Te in libertatem, natumq; in regna locatum
Dum videam, quam tranquille hunc animum exhalarim!*

*Ob. Lux ruit; at casse nos verbis ducimus horas
Rebusq; & iussis chrismatibus impendendas.*

*Rub. Recta mones, carpamus iter, pompamq; sacrorum
Huc adducamus.*

*Ob. Sub dio chrismata trades?
Quin magis in temp'lo?*

*Rub. Non lex, non ritus auorum
Abnuat: hunc nobis fas fundere gaudia lucum;
Fudit amaritiem.*

Ob. Fas est: præcede, sequemur.

*Rub. At ad regales si quis male sedulus aures
Deferat hæc?*

*Ob. Nequeunt tantæ fastigia mollis
Promissis innixa Dei traxisse ruinam.*

K 4

Tum

*Tum tu Pastorum, Leuitarumq; verendi
Numinis ante aras iurata silentia vinci.*

Rub. *Sic fiet: properemus.*

Nai. *Iò Rex vngar, Iò Rex.*

Rub. *Lætitie quanto complebit pectora sensu
Te incolumem, Iòèle, parēs ut norit Adulla*



Cho-

Chorus Ven, Ch. PP.

Diuerbium Octauum.

V.eCh.V. **E**cquis adest, Iuuenes, gressum qui hâc forte ferentem
Viderit Aggeum?

V.eCh.P. Non hac se in tecta recepit.

eCh. PP. Liquimus ingenti Ceruum clamore prementem,
Nec potuere acies visu spectare sequaci.
Sæpius horrenti lustrauimus omnia luco,
Nullus adest.

eCh. PP. Hac cursus erit sua tecta petenti,
Pandit enim notos hac semita certa penates.

eCh.Ven. At nos ægra sitis, multoq. subacta labore
Languida membra grauant, & pectoris æstus anhelii.

eCh. PP. Aspice, vicina vitreus de rupe cadit fons
Hic hederae molles, viridique sedilia musco.
Ardua consertis hic arbor plurima ramis
Fronde negat soles, & opacas explicat umbras.
Quare agite, ingentes paullum seponite prædas,
Gramine languorem pellite, fonte sitim.
Quæq. graues æstus releuet lenis aura vocetur,
Aggeum congesta domum dum præda remittat.

Can-

Genus me-
ri vide in
notis.

Canticum Secundum.

Ch.P.&V.

AURA leuis, aura leuis,
Aura præpes aduola.

Semic.

Tu, Phœbæi dum maritant

Venat.

Terræ sinum radij,

Ante Patris orta iubar

Matutina volitas.

Tu dum lenibus flabellis

Ignem eorum suscitās,

Soporatis ab ocellis

Somnus ales auolat.

Semic.

Frons decora rubicundis

PP.

Tibi vernat floribus.

De concreto viua rore

Tibi gemmant lumina.

Gemma tremat de tenellis

Oricellis pendula.

Palla leuis picturatis.

Tota riget pinnulis.

Ch.P.&V.

Aura leuis, aura leuis,

Aura præpes aduola.

Semic.

Tu, Tithonicum puella

Ven.

Currū vecta roseo

Vultus

*Vultus exerit decoros,
Celi pandis ostia,
Et aperta per serena
Densa differs nubila.*

Semic. *Tu cum tuba susurranti*

PP. *Mane flores excies,
Ut Auroræ purpurantem
Conspicentur faciem,
Illi sensim rore graues
Reserant ocellulos.*

Semic. *Tu Tithoniæ corollas*

Ven. *Excutis è gremio,
Et rosarum florulentis
Arua rigas imbribus.*

Semic. *Tu languentis hyacinthi*

PP. *Molle caput fulciens,
Leni afflatu moribundum,
Et tepore recreas.*

Ch.P.&V. *Aura lenis, aura lenis,
Aura præpes aduola.*

Semic. *Te rubenti rosa sinu*

Ven. *Accipit hospitio,
Odoratis abeuntem
Oneratq. mercibus.*

Te

Sem. PP. *Te ancipiti duello*

*Quatiente gramina,
Pacem flosculi vocantes
Collabellant oscula.*

Ch.P.&V. *Aura leuis, aura lenis,
Aura præpes aduola.*

Sem.Ven. *Quis, horrendo cum fragore
Tela ruunt flammea,
Ignes incitat trisulcos?
Alas aura commodat.*

Sem. PP. *Quis, horrendo cum tremore
Terra nutant viscera,
Murmur intonat pauendū?
Rimas aura quæritat.*

Sem.Ven. *Te pennigeræ parentes
Ore vocant musico,
Vt implumium natorum
Parua libres corpora :
Ipsa subis, ipsa doces
Agitare plumulas.*

Sem. PP. *Te viator peregrino
Gressus orbe concitans,
Colle fessus ut resedit,
Ore vocat languido:*

Ipsa

QVINTVS.

155

*Ipsa sinus, ipsa frontem
Ventilando frigeras.*

Ch.P.&V. *Aura leuis, aura lenis,
Aura præpes aduola.*


Semic. V. *Ades aura; suaue olentes
Seu libare violas,
Seu marinis mage gaudes
Insultare fluctibus,
Nostra dabunt ora flores,
Vndæ crines aureas.*

Semic. P. *Ades aura; leui iuuat
Si gestire pinnula,
Nostra dabit sylua molles
Foliorum pinnulas.
Ades, aura, ne nos auris
Verba demus irrita.*

Semic. V. *Adest aura; sylua ciet
Foliorum lingulas.*

Semic. P. *Adest aura; nec nos auris
Verba damus irrita.*

Ch.P.&V. *Aura leuis, aura lenis,
Aura præpes aduolat.*



Cho

Chorus Pastorum, Chorus Ven.

Aggæus, Orebus, Raguelus.

Diuerbium Nonum.

Agg. **C**onciderat, tunc hæssissent ni spicula.
 V. e Ch. P. Tandem
 Expectatus ades.
 Agg. Fessus tamen:
 Oreb., Omnia magno
 „ Vita labore dedit mortalibus.
 Agg. Ocyus ite
 O socij, prædamq. domum, laudemq. ferentes.
 Rag. Matura: nostra donatus ut ipse ferina
 Rubenus lautis oneret conuiuia mensis;
 Quantum prisca tamen lex annuit. Anne Naimum
 Heus, Aggæe, patri, te commostrante, madentem
 Rettulit ignotus Pastor?
 Agg. Tulit: hem? quid?
 Rag. Abi dum.
 Vn. e C. P. Qui valet? occubuit? valuitne a vulnere Heberus?
 Ra. Occubuit, valuitq. Parum descenderat alte
 Vulnus, hians facili cæpitq. coire medela.

Carcere

Vn. e Ch. *Carcere laxastin'?*

Ra. *Laxare coegit vtcunq.*

Obuia supplicibus læsi clementia fratris.

Consilia in melius tulerunt: scelerisq. doliq.

Pœnitet: Inuidiæ prorupit al ulcere virus.

Vulneris inflictu, pœnæq. horrore propinquæ

Pœnarum sat vterq. luit.

Vn. e Ch. *Quid si forte noua funestent omnia clade?*

Ra. *Sic modo funestent. Nam quæ sibi sacra parabat*

Eripuit liuor. patri dum surripit vnum

Pignora bina dedit; patri sua pignora, patrem

Pignoribus, fratrem fratri, nobisq. nepotes.

Ch. PP. *Inuidiæ fors inde recens exarserit ardor.*

Ra. *Inuidiam superant fraternæ culmina sortis.*


Haud aliter medio cæli cum torquet ab arcu

Igniuomus Titan torrentia spicula lucis,

Sauciat, & nemorum contractas enecat umbras.

Ch. PP. *At procul incedunt sacri longo ordine mystæ.*

Ra. *Obuius occurram, meq. ipse nepotibus addam.*



Cho-

Chorus Leuitarum, Chorus Pastorum.
Nadabus, Obedus, Rubenus,
Adulla, &c.

Canticum Tertium.

Ch. Le. **P** Erpes annosi moderator orbis,
Author humanæ, columenq. gentis,
Cuius occultas tremebunda leges
Sydera adorant;
Nos tibi grates, meritasq. laudes
Promimus, natis hodie renatis
Quod patrem, patri geminata patris.
Nomina reddis.
Posse tam densas abigi tenèbras
Credidit quisquam, subitumq. pandi
Lumen? O numen, rata da perenni
Gaudia regno.

Diuerbium Decimum.

Rub. **D** Esine iam calathis, Nehemia, fundere flores.
Vos vero hic medias gemini quas ducitis aras
Sistite, Leuitæ, tenuemque bitumine flammam
Corri-

Corripite, & multa cumulate altaria myrrha.
At vos Pastores leua, dextraq; Leuitæ
Chrismata carminibus celebrate alterna canentes.
Trade aspergillum Nadabe.

Nad. En accipe.

Rub. Dia

Sic animos largo conspergat gratia nimbo,
Hoc ut vestra leui lustramus corpora rore.
Sic meus immitem restingue, Naimæ, Tyrannum,
Pruna velut sparsis extinguitur ignea lymphis.
Conde aspergillum: liquidi da cornua oliui.

Nad. Hem tibi.

Rub. Vt hoc pingui se tollit flamma liquore,
Sic puer hic olim desponsi lumine regni
Conspicius fiat. Cape cornu: huc thuris acerram.

Nad. En.

Rub. Vt odorati consurgens virga vaporis
Alta petit, sic astra petant & vota Ioeli,
Et regnaturi præclara exorsa Naimi.
Tu Ioele, asta submisso poplite dexter
Huic aræ. Tu scande thronum, rectusq; Naimæ,
Tolle manus. Nadabe, sacrum mi porrige cornu;
Perq; vices puerum vincturo mox porgito Vati.

Ch. L. Vngitur magnus tibi qui Sacerdos
Purus illesis operetur aris,

L

No-

Nomen, ò Numen, populis, tuosque.

Pandat honores.

Rub. *Sic Pater omnipotens tibi tollat ad ardua mentem,
Vt, Ioele, tuam perfudi chrismate fontem.*

Ch.PP. *Si tuo nutu, Deus, hic puellus
Vngitur dictis maneat precamur,
Raptaque inuictus rapiat cruento
Sceptra Tyranno.*

Ob. *Sic Pater omnipotens animum virtute coronet,
Vt, puer, hoc geminum perfudi chrismate tempus.*

Ch.PP. *Vngitur magnus tibi qui Sacerdos
Purus illaesis operetur aris,
Nomen, ò Numen, populis, tuosq.
Pandat honores.*

Ru. *Sic Pater omnipotens manibus tractare pudicis
Sacra det, ut geminas perfudi chrismate palmas.*

Ch.PP. *Si tuo nutu, Deus, hic puellus
Vngitur, dictis maneat precamur,
Raptaq. inuictus rapiat cruento.
Sceptra Tyranno.*

Ob. *Sic pater omnipotens sceptro frenare superbos
Annuat, ut, puer, hanc perfudi chrismate dextram.*

Rub. *Spiritus effætos ubi noster hic exuere artus,
Thura manu sparges, patriasq. litabis ad aras.
Interea, mandante Deo, sacer esto Sacerdos,*

Et

*Et sacras hac cinge comas, frontemq. thiara.
Exurge a genibus.*

Ob. *Promissi haud immemor, olim
Qui puerum Iesæ placito sibi tempore syluis
Eductum, vatemq. suum, Regemq. suorum
Constituit Deus, is pariter, Naime, Tyranno,
(Si qua fides cælo) te in regna vocabit, abactō.
Interea cape sceptrum manu, capitiq. corollam,
Vtraque promissi simulata insignia regni.
Iamque offusa suum te Regem turba salutet.*

Ch.L. *Viuito, rex noster.*

Ch.PP. *Vinuat rex noster.*

Ch.L.C.P *Io Rex.*

Ch.P. *Viuite felices.*

Ch.L. *Sacris tu vine gerendis.*

Ch.P. *Viuite felices.*

Ch.L. *Populis tu vine regendis.*

Ch.P. *Vinuat vterque diu.*

Ch.L. *Vinuat vterque Deo.*

Ch.P. *Viuito, Rex noster.*

Ch.L.C.P *Io Rex.*

Ch.L. *Vinuat, Rex noster.*

Rub. *Nunc omnes quæ dicam animis aduertite vestris.
Te, superum Genitor, cælo qui fulmina torques,
Te, Vates, te turba, chorus te testor vterq.*

L 2 Tan-

*Tango aras: si quisquam ausit quæ gesta Tyranno
 Prodere, tum subito tellus hæc ima fatiscens
 Hauserit inuisum caput, ollum aut turbine adaxit
 Precipitem Pater ignipotens Phlegethontis ad undas,
 Torrentes undas æterna in sæcula fontes.*

Ch. L. *Fiat.*

Ch. PP. *Fiat.*

Nad. *Hui, tremulis altaria flammis
 Corripuit fulgor, motantq. cacumina sylvæ.*

Rub. *Læritia, assensuq. locus gestitq. fremitq.
 Sit felix, faustumq; p̄j rata cuncta ferentis
 Numinis omen. Eant tandem sub templa Leuita.*

Ad. *Da dextram, Iocèle; sacram da, regule, frontem
 Maternis libare labris: date colla lacertis.*

Rub. *Gaudia pandebant hæc nobis omina nubis,
 Quæ templi delapsa tholo circumstitit aras.
 Tollite vos aram; mactabitur hostia laudis
 Cælicolum Regi, dum turba domestica nuper
 Intermissa urget festæ conuiuia lucis.*

Canticum quartum.

Ch. L. *Perpes annosi moderator orbis,
 Author humanæ, columenq. gentis,
 Cuius occultas tremebunda leges
 Sydera adorant;*

Nos

QVINTVS.

163

*Nos tibi grates, meritasq. laudes
 Promimus, natis hodie renatis
 Quod patrem, patri geminata patris
 Nomina reddis.
 Posse tam densas abigi tenèbras
 Credidit quisquam, subitumq. pandi
 Lumen? O numen, rata da perenni
 Gaudia regno.*



CHO.

CHORI
PASTORVM.

Salutatio vltima: in qua fabulæ
documentum.

„ **N** *Vnquam letis fidite rebus,*
„ *Nunquam lapsis cedit rebus;*
„ *Sed diuinis cedit tantum,*
„ *Fidite verbis.*
„ *Nunquam numen quos premit opprimit;*
„ *Deicit alte, tollat vt altius;*
„ *Tristia ferit, vt magno demetat*
Fœnore lata.

FINIS.

L E C T O R

Ego Frater Io. Baptista Soncinas Ord. Prædicatorum
Prædicator Conu. S. Petri Martyris Parmæ, ex com-
missione A. R. P. Inquisit. Parmæ hanc compositio-
nem accurate perlegi, nilque reperi contrarium fi-
dei, neque bonis moribus. In quorum fidem his
manu propria scriptis subscripsi.
Fr. Io. Baptista qui supra manu propria.
Stante attestationum conceditur vt Impr.

Die 27. Septemb. 1613.

Ego Fr. Io. Maria de Sonc. Inq. Parmæ.

Vidit
Fulg. Luc. Aud. &c.

LECTOR

*Paulum ad metas reficite. In Græcis, nempe Senario in epistola ad Lectorem, & Pro-
uerbio fac. 138. tu te sciens corrige accentus, & literas. Nos ignorantia typogra-
phorum uicti, ac re desperata, in posterum quæ græca futura sunt in Notis. Docto-
rum uirorum consilio, more veterum (quorum exempla in sequenti mox libello de
nouis metris indicata) dabimus sine accētibus: subituri libentius nouitatis apud se-
mipriscos barbaros notam, quam ignorantia apud doctiores, si cum accentibus men-
dosa prodamus.*

*In latinis uero defecti acutis accentibus a typographo, coacti sumus semper graues repo-
nere: præsertim act. 5. cant. 1. ubi Philomela. Quod canticum quod ad rectam imi-
tationem elationum, ac demissionum, quibus ea uocem modulatur auicula, inopis ty-
pographia iniuria nobis periit.*

*In epistola ad lectorem præ cæteris corrige fac. 1. lin. 20. perficiendum, reficiendum.
fac. 2. lin. 1. ac cæteris, at cæt.*

In reliquo opere accipe grauiores

fac. lin. errores	correctiones.	fac. lin. errores	correctiones.
15 25 Titam	Titan	ibid. 21 mirum?	mirum!
45. 17 ab arce	ab urbe	ibid. 22 hares?	hares?
48. 25 genitum	gemitum	146. 4 subido	subibo
54. 9 Diuer. secūdū	Diuer. quintū	ibid. 5 edicam	dele id uerbum
56. 3 Prothea	Protea	148. 9 scilice	scilicet
69. 2 dolori.	expunge punctum	149. 24 mollis	molis
93. 23 lipidum	lepidum	151. 4 e ch. P. P. Liquimus &c.	e ch. V. nat. &c.
94. 16 Incolumen	Incolumem	152. 17 picturatis.	dele punctum
98. 11 Tandem?	dele notam in- terrogationis.	156. 1 tunco	trunco
101. 22 cētum gemino	cētūgemino	ibid. 2 vn. e ch. PP.	vn. e ch. Ven.
113. 10 Leua	Laua	157. 2 utrūq;	utrūq;
ibid. 12 fides	fides	ibid. 5 al	ab
119. 9 Hai--	Nai--	158. 7 patris.	dele punctum
225. 22 infelix?	infelix!	160. 1 tuosque.	dele punctum
227. 4 fides	fides	ibid. 4 fontem	fontem
130. 8 fallans	fallam	ibid. 11 Ch. P. P.	Ch. Leult.
131. 1 Io.	Ier.	ibid. 21 Io Rex	pone post se- quens. Viuat, &c.
134. 7 iueris	tueris		
135. 6 genitor?	genitor!		

*Leniora, faciliora, interpunctiones, admirationum notas (quibus Fere caruit noster
typographus) & quæ marginibus apposta tibi, lector, docto corrigenda remitti-
mus. Vale.*

Impr. Inq. Parm. vidit.

Pro-
pogra-
Docto-
illo de
apud se.
hui men-

mei repa-
tationem
propu-
endum.

tionem.

verbum

rat. G.
mctum

h. Ven.

ndum
dum

oit se-
at, &c.

moiler
missi-

KONSERVIERT DURCH
ÖSTERREICHISCHE FLORENZHIFFE
WIEN

005643568